

廣平府志

ル 5
1572
19



門凡呂5
1372
19



重修廣平府志卷之五十一

列傳卷之五十一

國朝

永年縣

胡福宏字徵五明天啟二年進士

陞兵部

職方司主事當崔魏時同鄉風靡福宏自晦不與交

事... 兵備副使卒以... 當置歸

正己率下死金聲

川鄉賢通志 畿輔

古鳳 字君榮明貢生崇禎中知濟甯州濟為漕運

卷之五十一 列傳六 永年

地疏言挑築備極勞勤土寇李清山作亂漕固漕

真而辦舊志

國朝治向竟魯廬人愛之以自奉薄傅戶齋太守著

知府治尚竟魯廬人愛之以自奉薄傅戶齋太守著

伏櫪齋集 畿輔通志

李冲熊字滄嶠明崇禎四年進士官書舍人

國朝順治間為御史巡按廣西 吳墨人著者辦釋冤獄

數大案有古御史之稱擢上湖南道母病乞歸置義塾

義倉開墾 嗣資灌漑鄉 仇之 志 康熙三十一年祀

鄉賢 畿輔通志

申涵光字子孟號愚公佳允長子少穎異博涉

經史又高逸尤喜為詩 工和諸生萬曆六年

遇亂議城守捐金四百錢二十萬犒士登陴者賴以濟

甲申之變佳允殉國難涵光走江中 疎子龍等求為

志傳歸里力耕養母足迹絕城市

世祖詔訪明死難諸臣舉封墓之典柏鄉魏裔介上褒錄幽

流列佳允姓名格於部議涵光徒跣赴省麻衣經帶哭

疏爭之卒

子祀典

夫高其孝行爭折輩行與交有以 逸及之行薦者皆辭不就拂衣歸都中故人寄書招

往往簡傲不答作詩報之有荷花未老新釀熟為道無

句涵光詩沈鬱頓挫一以少陵為宗與其

和酒後耳熱可相對泣下尚書王士禎謂涵光稱詩廣

平開河朔詩派學士熊伯龍謂方今詩人絕多吾甘

之下者廣平申涵光而已晚歲究心性命之學謁容城

孫奇逢於蘇門執弟子禮造詣益邃仁性習圖義利說

及荆園小語述語自淑以淑其兩弟嘗曰主靜不如主

敬敬自靜又曰士人要有岸然一命之氣又有欲然

若不足之心又曰好勝者一敗恃壯者易疾漁利者害

多驚名者毀至又曰朱陸同適於道朱遲而穩陸捷而

危在人目擇言皆格言也孫奇逢書云苦心積慮

閱歷深而動心熟魏裔介遺以札云年少文壇老來理

路天道之春夏而秋冬聖學之博文而約禮其見許如

此年五十九卒人謂其數與唐杜少陵相等而其行誼

之高則漢之郭林宗黃叔度庶幾近之所著詩文集行

世魏裔介撰傳熊伯龍撰行狀參北學編

事畧名家詩鈔漁洋詩話

涵煜源 涵煜字觀仲康熙壬午

詩 涵煜之書法大令時戲寫蘭似趙子固續集嘗

與魏裔介登高阜痛飲狂歌隨其兄長嘯菰蘆中世俗

求見其面不可得魏裔介序著有江航草一卷敏菴集一卷

魏裔介字隨叔動止莊栗不隨俗俯仰中順治十

八年進士 庶吉士授檢討預修

兩朝實錄刪繁補闕鉤纂之力居多康熙十一年實錄成引疾

歸兄涵光教以詩法一以少陵為宗閒仿李西涯樂府

為詠史詩百餘篇奇變激宕能與並驅好讀史擇二十

一史忠孝節烈有關世教者萃為一編曰通鑑評語與

人論古今盛衰政治理亂抵掌數千載如目前聽者皆

驚服文高古疏豁歸於簡潔嘗曰文尚體要一泛濫則

河海無極矣其持論嚴謹如此學士喇沙禮為院長不

輕許可獨舉涵盼張入對蓋知之素也卒年四十五

張書撰墓誌銘 著有定舫詩草忠裕堂文集史籟等書魏裔介

張蓋字覆輿一字命士明諸生清癯狷介性好詩輕脫

不中繩尺家素貧竭貲為服飾其履珮玉飄長帶如貴

介甚都城頭水次出洞簫袖中嗚嗚自得善草書法懷

素體時作狂草累百過至不可辨識甲申後謝去學官

弟子幅巾方袍獨行曠莽林薄間自作手語時人莫測

且有哀其自貶以金道逢寒士中分之不問姓名而

去遊齊魯楚豫間數年狂疾作昇歸築土室自閉穴而

進飲食悲吟佗僚嘗痛哭終日雖妻子不得見歲時一

出拜母而已有司慕其行求一識面不可得唯同里甲
 涵光雞澤殷岳至則延入土室談甚洽其為詩哀憤過
 情五言尤向簡乃詣古人然恆自毀其稟不以示世久
 之狂益甚竟死年六十六申涵盼曰蓋先世晦迹類袁
 閔疏散類魏野襟期類孟郊而發狂自廢又絕類近世
 徐渭蓋古篤行之流歟著有柿葉菴詩集申涵光輯其
 遺藁得百六篇梓而傳之

朱彝尊撰墓志參申涵
盼撰待文獻徵存錄

趙湛字秋水先世自明永樂初居永邑城東大由堡十
 歲能歌咏少長經書子史過目成誦日記數千言入膠
 庠食餼然性厭作詩文喜諧音律沈酣李杜出入三唐

詩名噪一寺同里申冕盟張覆輿殷伯巖外如柏鄉魏
 貞菴宜君楊筠渭富平李天生東明袁杜少皆訂風雅
 交日共濯磨學益進顧才高多忌名重招尤寃沈黑獄
 幾莫能脫兄漁浦徒步走長安急為辯雪乃免從此一
 介行李浩蕩江湖所至之處人爭倒屣名公巨卿咸折
 節焉適晉得詩若干首名繫舟吟以汾水西有山曰繫
 舟故以地誌之元城黃遜菴為堂邑令館湛於大悲禪
 院得古體十二章題曰省心吟黃曰秋水趙子其庶幾
 聞道矣余讀其省心吟而有以窺其深也赴武功登太
 華嘯白雲過隆中與峴山遊習池梁昭明臺望孟浩然

故里而弔古興懷寄之於詩年七十卒平生所作於詩最夥柏鄉相國魏貞菴公致仕歸里取湛遺藁自出遊以來所任並臥草堂時所咏彙輯成編名曰玉暉堂詩

鈔縣志兼趙壩撰傳

案通志列入邯鄲查邯鄲縣志未載今依永年志移改

李芳莎字臺辰拔貢生順治元年知武鄉縣清節自持善發奸伏暇以詩歌自娛地方利弊率託之於詩當時擬之詩史開局修志筆削皆身任之山西通志陞永州同知被謫歸年五十餘卒芳莎詩格沈雄為文數千言立就

宰相宋權重其文縣志嘗為草謝

賜大內書畫表揮毫如風都下傳為美談

宋準筠廊偶筆

宋永譽字葆祉明崇禎十五年舉人

國朝順治二年授邯縣知縣郡俗素悍近終南稱盜藪永譽治以勤流賊賀珍寇長安道攻邯永譽約紳耆畫守禦策誓與城存亡賊遣使誘降給以重祿永譽縛其使賊怒攻五晝夜勢不支城陷被執立罵不絕口賊鬻殺之事聞

贈陝西按察司僉事廕一子

魏象樞撰傳

冀如錫字公治順治四年進士授刑部主事歷遷員外

郎中七年授湖廣襄陽知府國史大臣列傳時多盜如錫縉城垣以守賊不敢犯吳三桂反

王師南下襄陽塗塞歷四旬如錫建議燒豹尾山毀望京城諸道悉通縣志十一年遷河東鹽運使十六年調河南分守道尋擢浙江按察使十七年內遷太常寺卿轉通政使十年補工部右侍郎康熙四年丁憂回籍七年服闋八年補兵部右侍郎十二年遷左都御史疏奏獄訟繁興弊皆伏於砌款粘單豪猾捕風捉影陷富民以媚貪吏一狀而列數十事一事而累數十人擇肥而食同惡相濟甚至有革汰逃兵以尅餉誣其將領者蠹民受

懲以橫征誣其長上者挾私行詐此風胡底請

勅內外大小臣工有犯必懲又奏每閱邸報有奴僕告主者以役使之入挾私報怨其或虛罔則罹重刑是上下之分不明又陷愚人於必死也臣以為謀反叛逆諸大端許奴僕實指出首其餘指陳公私過失一切禁止犯則治以應得之罪庶名分定而悖逆之風絕矣俱下部議行擢工部尚書十五年淮陽河決

命如錫偕侍郎尹桑阿往勘會議十六年疏劾河臣王光裕無治河才乞罷之別簡賢員立驗勘之法多遴官吏廉幹者分司其役限之以時日覈之以處分庶河道有益生

民幸甚

上從之尋坐事鐫級卒於家

國史大臣傳康熙二十九年祀鄉賢

畿

輔通志

劉璇副貢生順治中知沁源縣升鄖陽府同知叛賊王光泰陷城被執不屈死

贈按察司副使

同上 案明史陳美傳賊犯鄖陽同知劉璇死璇承年貢生疑係一人今從康熙志仍列於此

杜霽遠順治九年知安化縣招徠流民八百餘戶墾田七百餘頃出貲繕城堞立學校收殮遺骸政聲甚著大

清一統志

冀龐齡順治十一年舉人父蓋廩生有學行龐齡潛心

性命之學任河間故城教諭課士有方著有四書講義

縣志

甯爾講字元著父光祖性孝弟母喪以毀卒爾講順治

十五年進士官山西道監察御史巡視西南二城豪猾

斂迹巡鹽兩淮父憂歸服闋補御史疏請清流品嚴冒

濫慎選舉正服色請召對別襲廢停奪情凡七事卒以

言事獲譴弟爾讀官南樂教諭力營贖還康熙二十六

年起官湖廣道御史卒

縣志

鄭茂字子勉與申涵光同巷居日袖書討論疑義涵光

博學茂務精專順治十七年舉於鄉官武平縣知縣卒

於官涵光稱其詩似儲光義渾淪大家其氣蒼粟以治

舉業不能專力縣志著有竹邊樓詩草畿輔詩傳

李芳徵字銀槎拔貢生官漢中府通判賀珍來寇關南

道胡全才誓眾固守芳徵佐理兵餉軍需不缺於供擢

知鄜州王永強之亂竭力拒守遣人蠟書赴省為邏者

所得賊怒急攻之城破不屈死陝西通志

贈按察司僉事縣志

劉光祚官杞縣尉申佳允祠就圯捐資新之申請佳允

入邑中名宦性執傲不樂仕進告歸卒畿輔通志

王以恩字霖蒼生而貌寢面鰲身臞不修邊幅年十餘

嗜左國史記昌黎諸書讀皇極經世通書西銘能悟其

奧義為文灑灑汨汨數千言立就十三補諸生十四中

順治辛卯副車文名噪甚與同里申涵盼以實學相砥

礪性孝友善議古今人可否刻苦致疾卒之日猶手錄

康節易數一卷年二十三畿輔通志叔訓字見全歲貢生

博學善屬文除訓導不就究心理學多所發明縣志

姚謐字遜若應童子試不售輒棄去喜為詩清切拔俗

學使聞其名招之不往書法亦有氣骨為時寶貴縣志

楊文華字彬然康熙五年舉人有文名舉鄉飲正賓著

有幼學定式又靳紫垣庠生安貧好學事繼母以孝稱

工詩有白燕來巢吟人皆傳誦精醫術康熙二十九年鄉飲介賓

王謙字大吉康熙六年進士官湖廣城步知縣苗寇攻城謙率士民登陴拒守出奇兵破之城賴以全擢刑部主事歷陞郎中三十年提學江西事竣為陝西邯山道改淮陽道參議

王宗字秩宗拔貢生官江南宿松縣丞湖廣兵變知縣出宗練兵為城守計賊至黃梅聞有備引去宗博學能詩著有敦好堂詩江南課俊彙左傳一得杜詩箋釋行世

馬翊宸字弼公康熙八年舉人能詩工書畫仕江西新淦縣知縣有惠政

劉超凡字異生康熙九年進士官開元知縣多惠政擢廣西道御史巡視四城掌六道所至釐剔有聲歷通政司左右參議順天府學政三十一年陞僉都御史捐俸贖回永民遣戍者十餘家均給資遣歸鄉里稱之

姚昇字扶東從申涵光學詩田宅皆讓弟攜妻子僦居授徒自給遊京師衣大布衣或試以詩馳筆立成奇氣迸溢名遂噪康熙十一年舉於鄉南遊江淮泛湖湘與名人唱和除德清知縣值歲大祲未報方徵賦昇至力

請賑濟全活無算調開化催科不擾公退焚香拂几檢詩囊長吟而已罷歸貧甚或餽粥不給怡然自得著有

東巖草俱同上

申頌字敬立涇煜子康熙十七年副貢生博學能詩兼工書畫郡事利弊知之最悉守令多諮以行喜獎勵後進與人談忠孝節烈事竟日不倦晚選授唐縣教諭不就著有耐俗軒詩集課兒文訓縣志傅濟少聰敏弱冠遊庠博通古今留心性命經濟之學申頌嘗以詩褒之康熙三十二年舉於鄉考授內閣中書年甫四十而卒未得展其所學人多惜之又張明哲

字明遠諸生性孤介惟與同邑申頌結莫逆交頌嘗稱其博雅恪謹孝友可尚能為古文辭詩亦有唐人風格

縣志參採訪冊

和氏璽字荆石九歲能文章砥廉隅有幹才康熙三十年成進士授閩縣知縣革火耗省徭役嚴保甲懸鉦於門黠胥蠹民者許擊以聞邑東有鼓山里賦重病民捐他項羨餘向充私橐者抵其賦額著為例民肖像祠之俗好訐訟喜羅織絕請託斷以公民大服建義學課士文風振興改同安治一如閩泉州有鎮帥擅權為民害氏璽峻裁以法忤帥意思中傷之適營弁縱兵擾同治

之如律帥示弁意率眾哄於堂遂乞休士民遮道泣留
督撫察其情治弁罪力挽之以勞卒於官年五十七余

健撰傳

夏紀字叔振康熙三十年進士性端嚴以古道自勵為
文精潔堪為式法邑人士受業者多得科名除四川榮
昌令兼攝大足時兩邑居民寥落撫綏招徠民多歸之
二年卒於官著有制義彙經義彙繳輔通志

劉世芳字美之母病醫禱不效日夜悲啼夢神語食女
貞實即愈求而進之病果霍然母年八十餘卒寢苦茹
粗三年不履卧室賀應旌撰傳 巡按御史疏聞

詔旌其閭縣志

程仲字繼伯事繼母孝兄卒事嫂如母吳本宗貢生父
歿與弟本鉢奉繼母孝本宗年三十五喪妻本鉢年二
十五喪妻皆以有子不更娶食同案寢同榻者四十年
王辭輯諸生事兩繼母皆得歡心繼母郭得癩疾侍湯
藥未嘗頃刻離雍正十三年奉

旨旌表繳輔通志

劉廷瑛康熙三十三年進士知廬陵縣有賑饑功葺學
宮除漕弊治聲藉藉縣志
胡煦字仁風鳳閣曾孫康熙五十四年進士博學能詩

獎勵後進十餘人爲詩社除江西永豐知縣潔己愛民
政治清平以忤上官罷貧不能歸者三年豐民措資以
歸子在用乾隆元年進士合湖北松滋縣有政聲著學
庸說註厄詞采宋元以來諸儒之說而折衷於考亭其

書尙存

畿輔通志

楊宜準字爵甫諸生精於易理爲學者所宗於所居後
闢柳陰堂授徒勵學歲饑出粟濟人全活甚衆子希堯

雍正二年舉人

縣志

林璵字玉相雍正二年進士授編修清貧自守日拈毫
苦吟與同邑金振聲聯詩社佳句逼近晚唐人多傳誦

劉廷瓚字在中臨川李紱重其詩乾隆元年舉孝廉方

正年六十六卒著有隨菴詩集十八卷便覽四卷

祁琨幼孤從兄瑤撫之成立析產以七分予兄子年豐
年二十母卒父不再娶年豐固請繼母俟生子年成九
歲父歿年豐事之孝延師課年成讀書乾隆五年舉於
鄉年成事兄謹鄉里稱之劉起玉性孝友兄起祿生子
三起玉子一析產爲三以二予其兄起祿子璟亦以孝

友稱

申居郿字邁公涵光姪孫少有文名工詩久躋棘闈乾
隆十二年餽滿貢太學病目不起與同志賦詩爲娛汲

引後進多所成就卒年七十二垂危時猶命子瑄持筆口占歌詞百餘言乃絕俱同上

申居鄭字錫勳號西巖幼聰穎髫年蜚聲黌序及遊太學名公巨卿爭先拔識旋以國子生校書西清凡中祕圖書罔不披覽校讐之餘因摘取其書說切於日用者彙輯成書名弄珠集郝天相撰書序

趙桀貢生性孝友自念身孤母病無人撫養勸父娶妾母與父妾各生一子父故善事祖母母老多病奉養曲盡其道視兩弟友愛不分嫡庶拾金不昧雍正三年旌其門縣令延入社學課徒潔清自守十二年足迹不至

公庭乾隆元年公舉孝廉方正探訪冊

金振聲字啟元乾隆十三年進士博學能文與同邑編修林璉結詩社互相切劘風格老成居喪哀毀卒著有觀善堂詩集周易管見縣志

連國奇字秀鍾嗜學工書作文有奇氣尤工詩賦久躋棘闈中副榜四次乾隆五十四年舉於鄉時年已六旬後官靜海縣教諭課諸生如子弟士風丕變年七十八卒又游清彥字國士乾隆五十三年舉人任三河教諭課諸生有法士人至今瓣香祝之弟清思母歿號泣不食卒

趙含貞性孝友與弟含珠含斌同居終身含斌子錫齡武生錫璠錫元貢生俱以孝友聞五世同堂共爨者百餘人門內無間言

弓志勤與弟志儉相愛同居五十年析產推祖產子弟以五十年所置產中分之志勤無子買一妾方待年妻生子遂以女歸其父劉好義性孝友親歿撫爾弟成立友愛無間四世同居三十餘口門以內無語言相爭者人稱義門俱同上

王新圖監生乾隆五十七年大饑出粟二百石錢五百緡賑鄉里子元龍以美產予弟元勳里中有王甲鬻妻

質既成元勳出資償其值復出粟周之

畿輔通志

同時有

趙有年字燦然亦於乾隆五十七年出錢五千緡賑饑計口以給全活甚眾鄰有鬻妻者或以告出錢償之復令完聚鄉人感之為立石採訪冊

閻斌字允中貢生事母孝學以存誠為主尤專心易理著芸窗易草四卷諸城劉墉欲招人幕辭不往卒祀鄉賢王思禮嘉慶三年舉人亦精易象詮卦釋爻援引史

事官錦州教授

畿輔通志參縣志

李汝霖字說旃嘉慶三年舉人邃理學教人以立品為先不重帖括著有駁滄槃經序朱子綱目約錄西塘詩

草嘗疏列四事欲上不果年七十卒

傅相如字慶溢庠生少孤貧年十九授徒養母友愛兩弟三十九歲始入泮書課生徒夕侍母側偕兩弟談笑門內怡怡人無間言

申承會字佑啟嘉慶六年拔貢事母孝授徒臨洺鎮聞母疾徒步夜歸車馬追之不及與朋友交肝膽相照嘉慶十八年滑縣亂作郡城戒嚴身督防守人恃以無恐後任容城教諭俱同上

武大勇字德剛輕財好義能急人之難推產於伯叔不較錙銖事母孝能曲得其歡心嘉慶十八年滑縣逆匪

擾隣境率眾登陴畫守禦策人賴以安同郡富室某有

家變同事者欲中漁之大勇出錢數十萬彌其事富室

不知也歲荒散數千金以濟貧家遂中落年六十三卒

識與不識皆哭之失聲倭仁撰傳子烈邑庠生事親以孝稱

質厚寡言績學早逝卒年三十三通志參縣志次子煦郡庠

生授徒餬口姪澄清汝清貴各以輿馬迎養堅不肯往

布衣蔬食晏如也年八十無疾而終採訪冊

劉登元字貞木歲貢生博學能文授徒於文昌閣義塾

誘掖有方門人郭天慶親炙有年中嘉慶癸酉解元縣志

王用賢字尚德性純孝嘉慶癸酉舉人官順義縣訓導

邑人有以詞訟干者賂金三百拒卻之母老告歸侍養能得其歡道光甲午水漲隄決率同人悉力堵禦城賴以全內外浮樞七十餘口捐貲助瘞之晚年潛心理學日持劉戡山記過格以自勗兄用和字仲禮歲貢生有文名教授生徒多所成就

王植撰傳
參縣志

譚復德嘉慶二十一年舉人篤實好學年四十猶從同邑李汝霖游內行修謹撫兄子如己子遐邇稱之同時金奉爾字節堂振聲曾孫嘉慶癸酉拔貢家貧篤學工書山長鄭念橋最重之官房山縣教諭武蔭棠字美如亦嘉慶癸酉拔貢工書能詩接人無疾言厲色

縣志

高守貴字杏梁原籍宛平父扶坡遷家於永年守貴嘉慶十八年舉於鄉官薊州訓導修文廟建祀典諸祠助同官旅櫬還鄉海觀察瑛委辦東三省過路兵差察知兵過擾民之弊擬章上請申明禁令遂得安堵陞順德府教授旱蝗土匪竊發大兵集順德議剿撫守貴請發賑安民借隣邑倉穀七百餘石全活者衆年七十九卒於官

長啟撰傳
參縣志

夏發榮字蔭軒道光元年舉人事母孝篤於友誼與同邑武烈游保陽李百泉先生之門以學行相砥礪烈故召其子澄清等至家受學後皆成名子彝字鼎臣咸豐

辛亥舉人亦以孝行著事繼母尤謹官東明香河各縣

教諭士人愛戴年六十八致仕歸卒劉浩亦發榮門人

道光八年舉於鄉好學工詩授徒自給縣志參
採訪冊

教其相字友質道光五年舉人性篤厚睦於鄉黨教授

生徒成就甚多官河間東光教諭士林稱頌子福謙舉

人官武邑教諭有父風縣志參
採訪冊

鄭增修字竹坡道光五年舉人攻苦好議論古今成敗

瞭如指掌著有四書提綱書得顏魯公法縣志

楊殿邦字蓮峯道光十二年進士知山東青城縣縣多

盜設幹役緝之夜馳數十里剿賊巢賊遂息歲饑設廠

施粥民感其恩二人闈分校所取皆知名士設立書院

課士以立品為先二十年卒於官同上

杜一柱字承宣歲貢生事母孝母歿為位祀之出入必

告終其身讓產兄姊蔬食飲水泊如也主講紫山書院

出脩脯葺講舍工竣即辭去咸豐三年髮逆竄洛關率

眾守城賊知有備遠遁七年饑理賑務積勞失血無毫

髮私舉孝廉方正辭不赴試年七十卒長啟
撰傳孫信義舉

人官河南新安商邱項城柘城各縣所在多惠政後卒

於官採訪
冊

祁廷璐字國寶增生與杜一柱友善修文廟城隍諸廟

重修廣平府志

卷五十一 列傳六

永年

六

築護城大隄補葺城垣皆與一柱協力成之邑舊俗多
 停棺不葬與一柱議立條規崇儉約黜浮費並手書勸
 葬文徧貼通衢無力者復酌助葬資邑人翕然樂從自
 後遂無停喪者性純篤事母孝友待諸弟自奉甚儉親
 族貧乏者量力周給喜吟詠工書子德昌成進士縣志
 李杰字偉人廩生績學早逝同人惜之子鍾嶙歲貢生
 性情豪爽不治生產遇邑有大事勇為無懼色孫汝霖
 幼聰穎讀書寓日不忘咸豐庚申成進士由戶部主事
 改知縣任山西襄垣修學宮勤民愛士光緒丁丑歲饑
 捐俸運賑全活甚眾調靈石裁減供差浮派民甚德之

後選授四川南部縣履任未逾月而卒

縣志兼探訪冊

魏連魁字文元諸生嘗輯勸葬文以覺世施義園為貧
 無坐地者葬捐田立惜字社子詩儉字助廉歲貢生克
 成厥志踵而行之輕財好義教誨生徒以敦德勵行為
 要重修鎮城復書院設義塾建祠宇凡諸善舉無不倚
 以集事里黨推為長者晚年作廣嗣編二卷同上
 賈爾音字調元增生幼受業於閻允中生平手不釋卷
 髦而好學事親孝友愛兄弟授徒終老同治十年郡守
 長啟以齒德上庠表其閭公舉鄉飲大賓卒年八十九

探訪冊

單作魁字占元增貢生篤信好學至老不倦生平樂善好施彭縣令以義式鄉閭旌其門子詠春字又曾恩貢生性至孝慷慨有父風

趙廷彥字芸閣道光庚子科副榜耽心經籍尤邃於易平生閉戶讀書引誘後進足迹不履公門教授生徒不計束脩有無同里李蔚然少孤且貧幾至改業廷彥飲食教誨卒使成立同治初年主講秀洛書院從學者日眾著有四書會意友竹堂文彙藏於家卒年七十四季弟廷藩廩生讀書有氣節咸豐三年髮逆北犯洛關失陷罵賊遇害

白國奇字廷俊監生性孝樂施濟母在懼雷葬後每聞霹靂輒奔墓側楊太守毓枏重修府署慨輸大木丁巳歲大饑出穀數百石濟貧鄉里咸稱長者年八十卒子雲和雲衢俱庠生尤克承其先志俱同上

傅朝選字清弼貢生髫齡遊庠文名噪一時負經濟志屢試不售五旬後習靜養心讀姚江書好之有所得輒與人講解世或非笑不顧也咸豐丁巳賑粥總理粥廠勤勞倍至卒年七十縣志

武澄清字霽宇號秋瀛少孤家貧如洗年十八為諸生名重鄉里授徒養母兼課兩弟讀道光甲午舉於鄉甲

重刊唐平府志 卷五十二
辰大挑選授樂亭縣教諭誘掖後進文風丕振去之日
祖道東郊冠蓋相接爲從來冷官所未有咸豐壬子成
進士以知縣分發河南甲寅補授舞陽縣縣有巨奸李
進爲一方害擒而錮諸獄邑鄰泌陽角子山擒匪麇聚
其中澄清下車飭令鄉團聯絡親練壯勇二百名不時
入山勦捕前後擒獲巨捻李八干碎李四能人曹太元
等數名賊稍斂迹又拏獲鄰境劫獄戕官要犯岳善教
三人置之法舞泉書院經費不敷普濟堂收養貧民久
無定款澄清皆捐廉倡舉廢者以興丁巳春擒匪張文
成糾眾攻城澄清督率民勇登陴固守危城得全戊午

春復隨南陽鎮邱忠壯公入山搜緝生擒匪首張文成
餘匪殄滅淨盡彙案保奏奉

旨賞

戴藍翎並加同知銜己未春皖匪孫葵心等擁眾十餘萬
環繞舞陽勢甚猖獗澄清率眾防守連開巨礮乘夜復
出奇兵破賊賊乃疑懼逃竄大吏嘉其能擬調陞信陽
州澄清念節母年逾八旬稟請歸養在任五載聽斷明
決案無留牘裁徭費以寬民力懲凶徒以安良善實政
及民去任之日士民卧轍攀轅者以萬計備酒漿焚香
而送迤邐數十里立德政碑於城東關回籍後上奉慈
闈下課子姪絕迹公庭不預外事而地方要務則身任

之續修縣志力為襄助餘如築城垣修書院建義塾葬
 枯骨平糶儲粟無不首先倡舉自奉極約而鄰里親族
 婚葬無力者皆量為伙助性嗜學老而彌篤經史外象
 緯術數之學靡不研究洞澈底蘊卒年八十有五著有
 詩文稿行世子二用章兵部郎中弟汝清另有傳季弟
 河清字禹襄廩貢生母病終夜跪禱病尋瘳事兄恭謹
 剛直有膽略河南巡撫鄭元善邀贊軍務辭不赴子五
 用懌舉人天性孝友篤學早逝

畿輔通志參李鴻藻撰傳史夢蘭撰墓志採

冊訪

武汝清字酌堂道光庚子進士以主事分刑部歷充江

蘇陝西雲南司主稿辦秋審任提牢皆以公正著囚糧
 米食牢頭每以惡劣易之且不足數汝清製一圓木合
 官役以此為準宿弊頓除庚戌補奉天司主事旋題陞
 四川司員外郎咸豐辛亥隨將軍薩迎阿赴甘肅西甯
 查辦番案抵甘境督臣暨藩司甘州府等數請見皆弗
 許噉以重賂卻之比及西甯解到番眾悉心推鞠盡得
 原案誣罔狀遂商之薩公據實奏

聞薩曰君真正人宜何子貞太史之見推也因出太史書極
 言汝清為人剛方正直宜加敬禮然汝清初不識太史
 也嗣入都黨督臣者多銜之計圖反噬謂查辦不實議

逮隨員堂訊侍郎曾文正公國藩以正論折之事乃寢
然

上由是知汝清名嘗諭某大臣曰武員外清正若輩不及也會
母老乞養歸里主講磁州書院誘掖後進日以品行名
節相勉勵同治初

詔舉賢能相國倭文端公首薦之辭不就旋因土匪蜂起

朝命隨同侍郎桑春榮辦理團練郡守縣令請留在籍防守設
團練局於城內籌經費置器械日夜操演漸成勁旅教
匪捻匪屢次竄擾而郡城安堵皆汝清力也事平保加
知府銜七年捻匪張總愚北犯左文襄公宗棠督師畿

疆函邀襄贊戎務並令祝觀察塏勸駕汝清卒以母老
辭而整頓城團力保桑梓以功保加三品銜

賞戴花翎先是楊太守毓枬聘掌清暉書院重修蓮亭濬濠
池植荷種柳日與諸生講論經史娓娓不倦定期面試
厭薄浮華研究實學士習文風為之不變計主講清暉
書院者十年主講磁州書院者三十餘年成才甚眾學
者望如山斗光緒乙酉重赴鹿鳴

賞加二品銜卒年八十四天性孝友事母惟和惟謹曲盡孝
思兄弟歡聚雖髦年愛悅如童時潛心性理諸書手不
釋卷刊刻孫夏峰先生畿輔人物考四書近指等編贊

襄之力居多著述甚富詳見藝文採訪冊參武勳朝撰墓表

林昌基字丕承道光乙酉拔貢善詩能文工楷困於場

屋安貧授徒人品端方時論重之李成顏字賢哉丁酉

拔貢嗜酒工詩自謂謫仙人復出杜寓麟字瑞徵嗜學

老而益篤年幾六旬舉於鄉主講秀洛書院教士以植

品為先午夜談經不倦士人至今稱頌程玉瑒字葱衡

貢生著有味腴堂詩稿畿輔通志參縣志

王勳字竹書道光二十六年舉人官霸州學正倡修文

廟創立王家坊橋築堤辦團均有勞績田野生蝗每日

出城捕滅鄉會試寒士無力者捐廉助之李山長在院

病故妻子貧餒勳代主講二年脩脯金仍歸山長家屬

後致仕歸年七十八卒採訪冊

孟昭德字懋修少孤事母孝年十餘歲力田奉養鄉黨

皆稱其勤能孟氏宗族繁盛祠堂卑狹不能容俎豆乃

鬻族中廢田得錢三十緡權積二十年得錢千緡重建

祠宇又以宗譜失修手自續輯捻匪之亂獨抱宗譜以

行卒年六十大子三憲春恩貢孫慶榮進士採訪冊

趙城字連璧歲貢生事親孝中年喪母侍父無一夕離

左右幼弟圻僅六齡弱而多病教之讀自塾中往返往

往背負而行鄰某妻貧寡有勸再醮者急為阻止釀錢

相助以全其節咸豐七年同治十年兩次勦辦賑務不辭勞瘁仍合子以糗糧濟饑者同治十年公舉鄉飲介賓並以望隆山斗額其門卒年八十一子萬清歲貢生同里李名揚事母以孝聞尤篤友愛房田讓弟擇取弟取後復與兄易兄仍讓之易至數四名揚終無難色年八十卒

探訪冊

李吉言字藹堂父玉振道光辛卯科舉人天性友愛爲學遂於理境授徒不計束脩成就人材甚衆吉言年十五入邑庠道光己酉科拔貢庚戌成進士攝江西上高令計擒巨盜朱實兄弟民歡呼相慶補授廣昌縣未到

任調署萬載時粵匪竄擾城陷被議請於巡撫沈帶勇克復自効設局籌餉萬之士民樂輸三十餘萬緡召募瀏勇數千人立同信二營與弟審言共領之紮於萬邑之大橋距城四十里賊聞官軍至整隊來戰相距僅隔一河戒勿動令備鎗礮俟其渡河擊之賊果呼噪舉大木爲橋以渡未及半鎗礮齊發斃賊無數相距十數日偵知賊欲招大隊來慮彼衆我寡乞師於湖南巡撫駱文忠公檄蕭敏果公來援會師於珠樹潭賊之大隊亦至衆勇見蕭軍來助皆踴躍思鬪次日戰於鐵山乘勝追三十餘里生擒賊三百餘人梟首者無算縣城遂復

後與蕭軍助剿袁州屢敗賊軍克復袁郡巡撫沈公又委帶後河水師炮船屢破賊於樟樹鎮瑞州臨江兩郡遂以次克復。疊經保薦歷陞樟樹鎮通判銅鼓營同知加三品銜在任候選知府陞知府後以道員在任候選巡撫因有功袁郡令權守莅任後蠲緩租賦禮賢育士戢暴安良一意與民休息解任後爲立去思碑同治中選授建甯府修文廟建義倉增穀數千石著義倉徵信錄垂久遠捐廉增書院膏獎購書籍勤考課文風丕振浦城會匪吳顯漢謀亂捕獲株連甚多吉言推鞠分別首從讞成僅置爲首七八人於法光緒丙子以母老告

養歸籍卒於家弟審言隨兄吉言在江西帶勇與賊接戰衝鋒破陣克復萬載復隨劉統領克復袁州委辦後路糧臺積功遞保花翎以知府選用同治八年分發浙江辦理戴鎮二汛翁家埠念里亭尖山石塘各功椿石屢下潮至卽被沖塌審言默禱於神潮不至者一晝夜遂得集事奉檄監修潮神廟海昌士民戴德者於廟之餘屋設長生祿位祀之以勞保二品頂戴補缺後以道員用後權守衢州處州懲奸折獄人皆稱之年六十卒吉言子二寶樟舉人審言子三寶權寶枏知縣縣志參採訪冊李士純字貞甫咸豐二年舉人大挑二等以母老不欲

遠離授徒三十餘年母卒喪葬盡禮光緒三年署高陽
教諭九年選新河訓導學中需索等弊士純多裁革知
州吳汝綸以植品端嚴持行不苟保薦嘗書箴銘於壁
以自警年六十六告歸卒於家採訪冊

白祿祥庠生慷慨有古風咸豐六年饑去家產之半施
粥濟貧活人無算精岐黃施丹藥遐邇咸稱長者同治
十一年舉鄉飲大賓郡守長啟以香山禮樂旌其門上同
宋廣心世襲雲騎尉糾集義勇扼險禦賊持守頗久因
眾寡不敵殉難迨賊距臨洺關記舊仇復往搜殺無一
人從賊者平定粵匪紀畧

王騰霄字凌雲咸豐元年舉人少失怙事母以孝聞友
愛兄弟甘苦共之廉介不苟取誘掖後進聯社論文無

倦色縣志

宋遵信監生成豐三年粵逆逼臨洺關吉林兵與戰勢
不敵遵信與魏遇仙糾眾助戰遇賊於石碑村西岡斬
馘無算忽悍賊萬餘擁至戰敗死之遇仙嫻技擊陷重
圍出而復入者數次賊愛其勇欲生致之絆以緼仆脅
降不從亦被殺林炳與賊鬪受創死子廷魁入賊隊復
讐殺十數人力竭亦死畿輔通志

劉重陽咸豐八年山東土匪至被脅不屈罵賊而死

朱明德儒童家素貧多病業賈咸豐年間東匪猖獗明德聯七團與練長武生王清和王福生屢率義勇助官軍禦賊同治六年冬聞西捻將渡河明德乃糾眾集資築寨功未竣而卒明德子武生清和承其志不數月寨成七年正月賊至避寨中者莫不流涕稱朱君父子之功

張印徵字石臣諸生成豐十一年東省教匪竄至被執不屈死賈希成庠生誘賊下馬擒殺之賊騎蠶至遂遇害年六十五張騰雲持梃與賊鬪死郭夢元探賊遇害李文華事父母孝事兄謹賊至與同里盧得寅王福全

李懋績孟永安戰死孟永齡善技擊單騎薄賊陣被殺俱同上

李思周字忠寶同治中歲貢生年十七生母卒盡哀盡禮事繼母楊如生母楊病卧八年服勤無少懈事繼母李彌謹叔晚年喪子思周竭力供養族中貧不能葬者身任之卒年五十九子慎樞舉人慎權增生採訪冊

李國傑同治元年土匪起與鄉人結團自衛賊至眾駭竄國傑獨鬪殺數人被執罵賊死張景春教匪至村被執縛於樹以刀擬頸忿罵被殺同時李明堂李立升陳士謨趙廷榮皆罵賊不屈死支夢周安大烈與賊鬪力

竭死張祥被賊脅謀遁至郡城請兵遇害趙清玉李崑
正西村人崑邑庠生同治元年教匪擾境築寨衛鄉里
工未畢賊至協心固守清玉面中三矢督戰如故賊退
扶歸三日卒貢生王者壽督練勇殺賊數十以無援敗
身被重創卒事平建祠照四品官優卹卒年六十五

輔通志參
採訪冊

盧珩字珍漢同治元年賊至縛珩索幣馬器械罵之賊
刺以戈傷耳官軍至賊奔竄家人解其縛自投井死關
迷子亦投井死

同上

李蔚然字萃拔生有至性家貧能竭力娛親咸豐三年

練鄉團禦賊有功八年舉於鄉同治二年之官貴州衝
賊氛行五千餘里抵省委署定番定番新克復城垣傾
圮鮮居民軍器喪盡蔚然招集流亡結鄉民七十二團
畫策守禦省垣需餉急蔚然親解丁糧抵青巖聞黑苗
七千餘竄州境夜返入城督居民千人分堞嚴守分調
鄉團入援賊眾分攻團民力竭三日城陷蔚然公服坐
堂上罵賊賊脅以刃罵愈烈賊怒磔之從死者十餘人
初蔚然之入黔也有友人餞之曰黔省賊充斥州縣率
殘破不完子分符奚先蔚然曰先安民其要在同好惡
聯紳耆築城鑿池練鄉團以衛之其濟百姓之福也不

重修廣平府志 卷五十一
濟則以死繼之故死之日其節爲獨烈云事聞奉

旨建專祠與難諸人附祀

畿輔通志參
鄭元善撰傳

陳抱珍字待聘諸生同治七年西捻入境投於井賊去
拯之出踰日賊復至復投井死王得時與賊戰被殺何
振清武生率村人禦賊殺三百餘人賊大隊攻入其里
亦被殺縣志

徐清平字順之在保定府營充馬兵因功保以千總用
宋景詩既降復叛總督劉合清平往說降景詩不聽拘
留清平迫使降己清平罵之遂被害時年四十歲採訪冊
席黑子年十一父母外出黑子依外家稍長乞食尋親

投塞外入廟中哭禱有老人告以某村有廣平婦尋之
果其母背負行乞而歸入京覓父父堅不回黑子歸里
數月又至京往尋未遇以疾卒縣志

李待時字珍聘幼失恃事兄惟謹咸豐己未舉人同治
初土匪擾郡城團練防守稽查奸宄任勞任怨脩治洛
河壩工潔己奉公事平得獎以知縣分發河南大吏廉
其能派脩賈魯河黃河壩工署西平縣時值飛蝗入境
不數日填塞田野乃具牒城隍廟次日蝗盡去民以爲
虔誠所感署孟縣歲大饑災民奪食閭閻不得安枕下
車卽停征請賑設粥廠四十餘所全活甚衆流賊渠魁

吳金貴等擁眾窺境率健丁營兵緝獲首惡正法餘賊
解去旋丁母艱父老攀轅泣留紳民赴省稟懇上司遂
委督辦賑務回籍時焚香哭送者十餘里設生祠尸祝
之服闋復署孟縣百姓跪迎於境外署滑縣河曲淤田
數百頃歷任官收其利待時不肯自私詳請升科歸之
公家署武安縣補闕鄉政簡刑清剖決明敏民尤驚服
年六十有四致仕歸逾二年卒兄膺時廩貢生幼失恃
與弟同案入邑庠友愛性成接人誠篤鄰里有貧乏賙
恤之不遺餘力人皆稱爲長者卒年五十有六探訪冊
栗容字蘊齋性豪爽事繼母以孝聞弱冠文名噪一時

經史淹通尤好韓文杜詩作文遵先正讀書必求義理
樂而忘貧有談外事者輒塞耳篤友誼性嗜酒醉則朗
誦南華以抒其磊落之氣善講解從之遊者登甲乙科
踵相接戊午中副車壬戌登賢書未及覆試而卒士林
至今以碩學目之

翟觀承字烈堂原籍山西臨汾人其先客於永年遂家
焉三歲失怙母連氏教育成立咸豐辛酉拔貢同治壬
戌舉於鄉以知縣分山東試用監放賑賑河上築壩以
勤著查青州隙地以廉稱署東平州裁紅黑豆陋規減
漕折增價捐廉放冬賑一境均沾實惠東平稅務積弊

甚重民多延不完納觀承廉得其情大加裁減納稅者爭至而課稅無缺是時河工方急上司派辦椿料發款不敷或勸派之民間觀承曰解運椿料勞民力矣又竭民財吾不忍也乃捐廉以足之會母連氏有疾告養旋里掌教肥鄉書院光緒八年卒性純孝厚戚族篤友誼兼工書畫著有文萃山房制藝行世

武澧清字止亭孝根天性母病危日侍湯藥衣不解帶者兩載篤志好學尤敦友誼弱冠與栗容同學同治壬戌同舉於鄉容病篤時澧清延醫調治朝夕不離左右歿後復爲經理家事籌資以養其孤澧清族姪用懌亦

壬戌舉人從澧清遊用懌病劇託孤延緒於澧清教養兼施無微不至延緒遂蚤歲登進士授徒二十餘年誘掖獎勸各因其材門下士擢巍科膺館選者踵相接光緒丁丑選授遵化州學正修葺文廟勤於訓迪廣州牧重其品學延掌燕山書院講席陶成甚衆丁亥春卒於官子用賓庠生

祁德昌字星閣同治癸亥聯捷進士以知縣分發江蘇乙丑權寶山縣邑有學海書院久圯課士亦廢德昌捐廉修葺局門課士親評甲乙重給膏獎文風由是不振有點婦謀害其姑訊之廉得其情治如律一時咸頌祁

青天海岸多塌夏秋潮汐漲發時虞衝決請款修築不足
以廉俸賠補之劉河淤淺爲患與鄰封會議一律挑
濬水有所洩邑人賴之夷人議由上海造馬車路至寶
邑吳淞口碍民田力阻其事並捐廉賠給修費權篆二
載立義塾修善堂興利除弊百廢具修去之日士民設
生祠祀之補丹徒縣邑逼枕大江爲賊盜淵藪搶案層
出居者行者皆懍懍有戒心德昌募勇數千名晝夜巡
緝盜風少戢泰興某生在鎮江入耶蘇教恃爲護符魚
肉鄉愚德昌因案痛懲之由是斂迹旋因親老告養服
闋署靖江補丹徒署荆溪所至民皆愛戴以荆溪亢旱

暑月禱雨受酷熱卒於任年六十五子五長榮縉次榮
綬皆舉人

馬三貧家子跛一足以賣水養母兄嫂瞽馬三養母外
猶調其兄嫂母冬月患病夜思飲馬三以冰入口化煖
與母飲如是者二年母卒其齒牙盡落越一年馬三亦
卒鄰里爲之殯葬俱同上

曲周縣

王顯字純伯崇禎十年進士官戶部主事順治初授河
南道御史督漕兩浙疏陳鹽政要務在招商恤竈二事
申明掣驗之規督銷之商民戴德立祠肖像祀之轉湖

廣僉事時蘄黃叛服不常飭弁勵兵力制竊發屬郡以
安著有奏議詩集行世又李嘉彥亦崇禎進士順治初
為兵部郎中奉差圈撥履畝稱平仕至河南按察使仁
心決獄多所平反

畿輔通志參縣志

劉逢源字津逮貢生究心經史星數河洛之學談書擊
劍落落不與流俗伍嘗手鈔二十一史讐對精確他書
亦數千卷名士大夫多樂與之遊喜吟詩著有詩集行
世舊志逢源生當明季崎嶇轉徙於江漢淮海之間故憂
憤語多而和平韻鮮

四庫全書提要

當時學者以逸民目之

漁洋詩話

路澤農字吾徵一字安卿明都御史振飛子甲申寇南
窺振飛巡撫鳳陽擒偽將縛之竿合兵民叢射之澤農
三發三中觀者藉藉路公神勇不絕口振飛丁母憂會
道梗寄其家蘇州洞庭之山中時閩中立君招振飛澤
農從中道忽相失有強帥擁重兵者留之欲字以女日
置酒屬參軍從事款曲道意不為動至脅以兵澤農按
劍太息曰嗟乎人生不得行胸懷有仗劍死耳某廣平
血性男子父方奔播自有家室不遑恤而乃闖入茂陵
女家如司馬相如之為乎帥聞意少解遂留書記室謝
絕之乘間微服而去遇父於廣州海上逆旅人曰孝感

也時聞廣已內附振飛積憂憤祈死成疾湯藥不入口
 澤農夜焚香禱北辰所以身代長跪奉藥七進竟卒澤
 農一痛嘔血數斗時年十七耳含殮扶襯行且行且哭
 瀕於毀伯兄某侍母洞庭訃聞奔喪兄弟相抱哭踊哀
 感路人澤農負奇才踔厲駿發尤篤孝友伯兄留滯洞
 庭貧不能歸里歲南行省視後迎歸為置宅一區井臼
 器用悉具割膏腴田三百畝以養其仲兄某早歿遺孤
 教之成人卜景陽負百金疾急取券而焚之卜歿更恤
 其妻子客蘇時與處士顧炎武友善假顧金無一人知
 顧歿償其家嗣子來留肄業二載厚裝遣之嘗言人生

無論出處當有惠澤及物故居雖約而親族賴以舉火
 者常數十家平生不妄交與外家申涵光兄弟以詩古
 文切劘工撫琴善畫晚年亶心易理詩格專主少陵著
 有宜軒詩一卷草堂雜著數卷琴譜一卷金德嘉撰子墓志銘
 元升字廷彥康熙二十一年進士授檢討工詩善書性
 純孝父歿哀毀瘠甚母勸諭之少飲啖病劇強起奠几
 筵戒家人毋以病聞母竟以毀卒縣志三十一年奉

旌祀鄉賢

畿輔通志

楊暖字冬可崇禎十二年舉人順治初知桐鄉縣桐鄉
 新造邑伏莽竊發暖至則單騎往諭悉解散為良民田

荒不治者給牛種暇則進諸生以經義課之擢工部主事權蕪關革除浮冒積弊一清出知潞安府薦陞廣東按察使時廣西將軍孫延齡與叛藩交通

上差內大臣鞠之峻主司刑筆孫逆啖之不動脅以兵卒不可

奪尋乞養歸子維楫字濟公以歲貢官贊皇靜海教諭

宏獎士類受教甚多

舊志參縣志

王顯祚字襄璞崇禎舉人明兵部尚書一鶚孫逆闖亂謀城守不克間道走山東為討賊計順治初授兗州知府歷山西布政使籌邊措餉動中機宜性慷慨有故人虧帑數千金其子來謁留數日及去則已盡償所負矣

畿輔通志

劉佑字雲麓明工部尚書榮嗣孫穎悟工詩由拔貢官蘄水知縣時寇初定有悍民范黍伯者率眾不法當事欲剿以為功佑力爭之罷剿議撫全活無算擢知秦州民以舊逋繫獄者數百家具揭撫軍盡釋之以呈誤免官再起高唐州三逆背叛高唐居上游大軍絡繹悉力支拄不以絲毫累民著有尋遠樓詩集

同上

王澤洪字郁雨顯子順治丁酉以廕貢謁選泉州撫字得民心歷署晉江同安皆有政聲康熙戊申陞饒州守甲寅楚氛告急廣信副將柯某舉城應賊饒州大震儲

糧清野具器械為城守計賊黨以逆書相誘即時申報
 參將程鳳陰通賊勒兵執澤洪鄱陽合亦被縛澤洪呼
 之曰此吾輩盡節時也見賊賊詰責申報狀抗言曰吾
 職在守土逆書安得不報賊怒窘辱備至不少屈願乞
 一刀以完臣節賊相視擁之行至弋陽橋乘間投鄱江
 民船救之獲不死間關赴省從定南將軍討賊十四年
 六月復饒城仍理府事時偽參將陳武魁等擁眾饒南
 廣信間澤洪開誠布信曉譬順逆武魁率所部投誠並
 擒獲賊首吳華貴等數百人克復樂平萬年等縣經理
 善後修繕城堡以勞卒於官

畿輔通志參
魯斯撰墓碑

王體健字廣生號清有明諸生伉爽有經濟才值兵荒
 苦盜掠決策堰水備寇以什伍法部署里人隨方追擊

寇散去

舊志

國初棄舉子業從夏峰孫奇逢講性命之學深入窅奧初
 喜為詩入元白之室著有讀騷齋詩集六卷子鄰

縣志

王鄰字欽四康熙九年進士十六年知太平縣剛明清
 毅縣志禁革里排合原告持牒投被訴之家兩造至庭片
 言決遣五載不遣一役至民家

江南通志

遷隰州知州興學

賑荒漕山西粟賑饑民告歸卒著有問津園詩草弟鄭
 字文益康熙九年進士授中書舍人出知雷州府時海

氛初帖兵悍不可制濱海遠郡派累且不貲下車後抑
營弁使遵法勒碑通衢革科歛積習頓除尋告歸畿輔通志

王庭蘭字謝佳鄖子性方潔工爲文康熙三十五年舉
人知崇信縣有黠徒以謀逆搆族人衆莫決檄庭蘭治
之一鞠得情白其誣有神明之稱以抗直引歸朝抵舍
暮斷炊時稱其廉縣志

霍映秀字爾公康熙初貢生能詩工宋元詞爲文揮灑
立就年七十餘猶拈詩自課著書數種皆散佚劉存禮
字典三諸生事繼母以孝刻苦勵志授生徒道誼相切

廟一束脰不受知名士多出其門縣志

安居諸生父明國病歿廬墓三年日夜哀痛年未四十
鬢髮盡白家貧事母力奉甘旨閭里稱其孝大清一統志

熙九年奉

旨旌表

畿輔通志

任傑字漢三少失恃事繼母孝父卒遺二弟幼家徒壁
立竭力經營以供養課兩弟均成立入邑庠縣志

秦恪字欽亮品端學粹文學冠一時康熙九年進士官
同安令時海寇方張民苦軍擾恪力爲休息雖獲譴不
顧未幾謝病歸授生徒讀宋儒書爲學者所宗子益謙

字虛谷康熙五十年舉人以著述世其業嘗謂四子書精脈萃於考亭著遵朱二十餘卷邑人士稱之子鑄康熙五十四年進士官扶溝知縣英決果斷黠猾屏息遷西華引歸詩酒流連人服其高致

畿輔通志參縣志

岳葱字秀瞻康熙十二年進士知雲都縣舊例派於民者一切蠲除招諸生為文會授以法程終日語不倦未幾以蜚語就逮雲民夾路呼冤爭以車船致餼糧日以千數懸旌其上書岳青天三字當道廉其狀事得解卒以剛直去官雲民肖像祀之後卒於家其子以事經江右過雲雲人爭邀飲食引入葱祠指其貌有相顧泣下

者

舊志

王澤長字說林康熙十八年進士任偃師縣知縣革行

戶

續江南通志

奉檄理截漕二十萬饒秦黃水泛溢月餘不

得前乃決策白撫軍立厰孫家灣民不累而事集以廉能擢御史卒於官

縣志

王楨字宸楓澤洪子以貢生知蕪湖縣決疑獄革陋弊清盜源勸農治水有安民功

韓茨撰墓志銘

子涵煩字漢珠工

詩善書喜談經濟以歲貢知西安縣歲歉具揭為民請命抒積逋之累有縣役殺其兄誣人者廉得其狀置諸法遷金華同知金華大姓以析產訟出橐中賂叱去之

調延安引年歸著有詩集楨弟樸字維初以貢生官南樂訓導改江南縣倅權蕪湖關查革浮冒宿弊一清楨姪涵炯字文昭貢生官內邱訓導持正有守歲饑散賑以勞瘁卒士民立碑追思之

畿輔通志參縣志

冀靖遠字揆文康熙二十七年進士官峽江知縣苦田賦不清請當事履畝大勘積弊一洗以最遷知朔州改泉州倅攝晉江民有行賄千金欲構成其族孫罪者叱卻之為白其冤引疾歸卒年八十八

畿輔通志

彭憲祖字仲嵩康熙三十二年舉人知嘉善縣歲凶漕糧孔急民不能輸憲祖傾產代完時有白英者兄弟爭

財成訟感其義皆慙然拜伏涕泣請罪歷三載獄無一人以年老解組歸

舊志

秦揚字德聞康熙四十二年進士知恩平縣邑濱海多盜捐俸設練總備戰船不時警巡民得安堵革陋規三千餘金歲荒設法勸輸活飢民甚眾民居多茅蓬會失火大風揚朝服往拜風息火滅大旱禱於神雨立沛民感其誠有禱雨滅火詩歌於市卒祀名宦祠

同上

霍則白字亮雅允猷子廩生性豪邁能詩日耽吟詠博通經籍尤嗜古鼎金石

縣志

王壘字友仲雍正十年舉人授徒不計修脯主講毓英

書院學者宗之從兄貢字禹錫貢生博涉經史貢弟資字睿文貢生工詩清新俊逸人多傳誦與兄貢監修書院協修縣志贊揚文教士論避之

同上

牛吉士字羽皇雍正十三年舉人

通志作康熙十四年誤

繼母史

卒外家貧困吉士調恤之始終不渝父躬厚官廣宗縣教諭聞疾憂泣而卒

同上

王朝諫輕財好義有族弟貧無依授之田為娶婦鄰人有攜妻自鬻為人奴者與之金使相守如初與人通有無未嘗索負視不能償者盡焚其券邑人推為長者

繼

輔通志

王今遠字用晦鄖孫少穎悟目下雙行讀書逾萬卷乾隆元年成進士知垣曲縣山僻多虎禱於山神遂絕迹

止開礦議民得安堵以最擢東平知州濬金線河絕水

患調濟甯詳免逋欠二十餘萬旋忤當路意引歸耽吟

詠纂修邑乘文工駢體額其室曰清白堂常作窗左右

箴以自警

畿輔通志參清白堂文集

王勤服賈養親父疾侍湯藥衣不解帶者數旬居喪哀毀逾禮事聞奉

旨旌表子金鑑恩貢生字衡齋幼失怙兄命是從雅尚文學家

履空淡泊自甘設帳談經終身不倦曾孫受田增生性

曲周

列傳六

曲周

三

孝友有志操家貧并日而食處之怡然咸同聞東匪擾亂扶祖母與父挽車轉徙卒免於難嘗授徒於臨清館陶及縣之濟公書院藉脩脯以奉親及門成名者衆後以勸捐義倉穀保加五品銜尤善醫術瀕危猶晨起端坐易簪時鼻中雙箸如雪下垂尺許人咸異之

畿輔通志參

縣志採訪

路步青字凌雲乾隆五十四年舉人學有根柢官靈壽教諭同時有王釗字紹遠副貢生胸羅經史殫見洽聞李如蘭字湘佩貢生博覽羣書貫通經義

縣志

宋叔鑲字維章邑庠生司寨人性剛正不譽人不毀人

宅心正大四方先達慕其為人爭結納焉精數學嘉慶年卒八十餘歲

王翕耽字和伯嘉慶辛酉拔貢品端學博居家以孝友聞嘉慶十八年大饑勸官開倉賑濟全活甚衆

郝玉鳳嘉慶六年舉人父母有疾焚香露禱乞以身代教諸弟成立絕迹公庭邑宰敬重之

王洄字開菴諸生博學工文性孝友兄以守庫虧公項出產抵償兄復蹈前轍又罄產償之事其兄終身無間言

俱同上

徐福元字千里侍母病昕夕不離側母以非時欲食瓜

走百餘里覓得之奉母病遂愈

畿輔通志

子恭字作肅亦

以孝友傳邑令胡啟文重其品延掌射圃亭義塾

縣志

牛元會字復初事親孝父嘗語人曰吾子年愈增而心

彌篤吾復何求嘉慶庚申以年高奉

旨恩賜榮名

採訪冊

劉守名字世聞嘉慶二十四年舉人經史博通方行矩

步以藁城教諭卒同時舉人楊璞亦以博學著

陳康侯字建之道光二年舉人好學精易理少事孀母

曲意承歡年七十猶如孺子之慕人以爲篤孝

俱同上

宋紹武字繼周事親能曲意承志教子弟有法年八十

三卒知縣旌其門曰五世同堂王清鰲父出外數十年

欲覓之母以爲難託言貿易尋二年遇之同歸陳長清

家貧貿易養親兄外出不歸嫂欲改醮詭爲兄信慰之

走千里跋涉尋兄無音耗嫂固欲去泣留之願以母禮

事嫂不數日兄歸終身不言苗二孝子性癡不能治家

人產乞食養母得飯一啖輒喜躍持歸日往返十數有

憐之者與以器二一盛羹汁遺母一盛粗糲自啖之終

身不改知縣旌其門

畿輔通志

張玉春慷慨樂施捐田二百餘畝建濟公書院延師課

讀屬里中謹厚者經紀之絕族人侵漁弊訓導縉興記

其事勒之石

畿輔通志

魏文明字會元郡庠生魏王李莊人道光十九年文明自塾歸遇夫婦哭於街訊知因貧賣婦泣別也文明稟明父母資以錢米里中貧不能婚葬者出貲助之事繼母以孝稱待癡弟以友著德化一鄉鄰村奉爲楷模年

五十五卒

採訪冊

牛庶吉字星卿咸豐二年舉人殫心經術接人以誠又路祺景字介爾廩生博覽子史長於古文家無長物而守禮秉義剛腸直性迥異流俗

殷玉清廩膳生六歲失恃事繼母張孝張視之逾己出

張卒又事繼母陳性嚴戾遇之虐玉清委婉承順陳患吐血病醫言服真地黃四兩重一枚者可瘳玉清馳赴懷慶購投之病果已咸豐末東匪入境奉母避難雞澤善家堡賊且至以遠徙順德請陳堅不允未幾賊眾至肆焚掠居室火起玉清負母於背冒火而走狂奔十餘里賊追至詢所負爲母相顧歎曰孝子也遂舍之

侯禴司寨人性孝友咸豐辛酉賊至姪連圻三元及己子朝仲同被賊擄去禴恐絕宗祀求賊賊許留一人令自擇遂舍子留姪子掠去死於難人皆義之

盧飛龍字和雨監生少失怙事母維謹從伯父綱習武

咸豐三年髮逆踞臨清有懷都司在村前駐營飛龍率子姪輩持弓巡警晝夜不息村人恃以無恐都司亦稱贊之母得癱疾割股和藥朝夕不離數年如一日母卒甫入殮兄亦病卒飛龍泣盡繼之以血遂亦卒子八人牛廷樞字倫閣歲貢生事親孝安貧守志篤學能詩尤工書法得唐人逸致所著有存存草詩文集

牛應昌字汝諧歲貢生博通經籍工篆隸持躬端正同治壬戌鄉人以經明行修薦舉楊學使咨部注册癸亥祝觀察塏造廬講學復以品端學邃推許表其村曰眞士里委官建碑以旌異之

俱同上

王爲霖字雨民性孝友慷慨樂施予咸豐間東匪煽亂助貲倡議團練邑令范守恆以團長委之帶勇三百名防堵十一年三月賊擁衆萬餘突至鄉人咸以寇衆我寡危城難守慮爲霖毅然曰我輩保衛桑梓義舉也如事不濟以身殉之督衆守益力二十六日賊環城急攻一晝夜城破爲霖奮勇巷戰手刃數十人力竭猶大呼殺賊遂遇害附祀范公祠

縣志

孫清臣字蓋卿監生河北寨人咸豐十一年教匪張善繼盤踞下堡寺誘清臣從賊拒之曰吾世爲清民死爲清鬼而已俄而賊騎突至脅之清臣登樓怒罵賊火其

樓清臣拋瓦忿擊賊甘言引梯誘之下逼擁覓賊首行至村南井旁反身投井中死焦錫齡貢生賊至誘之不

屈死子維屏以首觸賊痛罵亦被殺

畿輔通志
參探訪冊

陳英武生與東匪石天雨有舊投其家力拒之後復熾執其母復仇英計脫其母以身代中數百刃而死王麟書武舉人城陷與子明堂被執遇害焦西林賊至鳴鼓聚眾禦賊被刺以槍身無完膚郭太羹賊脅之不從攢刺而死霍銓監生督鄉團禦賊賊獲之截足斷指罵愈力時人壯之焦錫光監生率二子維辰維邦督眾奮擊並遇害

吉大成諸生東匪之亂散家財養勇禦賊賊蜂至率弟大均大啟姪愚巷戰弟姪皆陣亡大成奮擊之賊逸去獲數賊殺之復仇楊崇德罵賊被縛炙以火不屈死弟崇實匿於暗室聞兄死突出殺賊亦遇害

秦冲霄貢生教讀文昌閣賊至遇害子璫敏挺身復仇並被殺郭維翰監生被執不屈遇害投屍於井

俱同上

張占鰲字魁元從九品相公莊人幼習弓矢兼通岐黃少喪母事繼母孝繼母得癱疾侍湯藥八年無少懈禱神刺膺取血和藥以進疾始痊繼母曰微汝至誠吾命休矣弟殿元幼教之入邑庠咸豐十一年東匪擾境擄

村人數十東走占鰲乘馬挽弓奪之又數日賊復至占鰲從暗中大聲疾呼曰官軍至矣賊倉皇去一鄉獲安子鴻業孫春棠春藻皆武舉人姪鴻猷武進士八十六歲無疾而終人以爲積德之報

採訪冊

方鈞字重任增廣生馬蘭村人事繼母委曲承順得歡心立文武兩塾不受束脩教授生徒多所成立咸豐辛酉賊近村舍鈞隻身禦之衆賊怒羣擁入宅焚其室鈞罵不絕口以頸試刀聲色俱厲賊義之棄而走一鄉無罹害年七十九卒

盧生文字在茲庠生盧王莊人少失恃事繼母孝咸豐

丁巳飛蝗食稼伯祖困乏極力周濟一家得生辛酉東匪入境伯母染病在牀蓐舉家避難生文獨不忍去賊至以白刃相嚇復縱火燒村生文恐禍延伯母竭力撲滅賊怒肆行榜笞卒不屈又一賊至曰此孝子也毋害遂同去同治壬戌異母弟患病生文朝夕扶持日不交睫者百餘日癸亥賊復肆擾有官軍四人賊追之至文生門棄馬入賊至討索不獻賊怒其隱匿持刀傷其右臂卒不言賊乃掠其子而去四人出曰君之高義再造恩也子至邑東槐橋亦遁歸葬父時啟母柩合葬睹母尸失聲嘔血數斗得疾後竟不起

劉清平字章甫總河簡齋公裔孫咸豐辛酉拔貢生流賊蜂起邑令范守恆倡辦民團清平奉命於鄉中起義勇來助未齊集城已失守急欲救之鄉人羣相阻曰賊勢猖獗往救必至被害不如遠避清平愴然曰父母在堂敢遠避乎孤身前往保護父母得安祖宗遺像及簡齋詩文集諸書板籍一無所失後同邑人劉自立修縣志趙銓修書院建義倉及文昌閣奎星樓養濟院無不竭力贊之以勞卒於家

俱同上

王錫田同治初誘擒首逆蘇崑岡送官正法崑岡子聚鳥匪尋錫田殺之弟錫川子潤並遇害

畿輔通志

霍希文同治元年臘月賊至脅之不從加以拷掠乘隙逸赴井中賊追至下石焉不死夜有汲水者救出事聞

官賜匾額

縣志

秦楷少失怙事母以孝聞勸弟植讀書繼先人業一門雍睦邑令旌以孝友可風張澤宮諸生見父母疾輒號泣不食事繼母委曲承順與弟姪不忍析居終身和睦司寨庠生韓育德亦以孝友稱

縣志參採訪冊

王作肅字雨叔恩貢生性孝友學問通達工書年近古稀猶手鈔經史皆蠅頭小楷生平公正自持教授生徒成名者百餘人年七十四卒門人欽其素行建碑以志

不忘

採訪冊

安邦傑字雋三恩貢生事親以孝聞弟廷傑多病親治藥餌始終無倦容親族中有婚葬無力者助之訓子孫尤以實行相敦勉每晨爲講誦先儒格言及四子書孝弟諸章以培蒙養之基卒年七十二

劉堃字廣生太學生繼母待之嚴委曲承順卒得歡心歲饑同里稱貸待舉薪者數十家負債者焚券不索償樂善好施有長者風鄉里有谿勃者每舉堃以爲最卒年七十五子毓琮和厚有父風

劉因起字如靖廩貢生劉家莊人性厚事親孝處己廉

受教者恒數百人邑人稱爲篤學先生尤精易學言事屢中卒後邑人思之

徐大明漳頭村農人性孝家貧父晚年得食肉症大明以肉爲飯竭力奉養自甘藜藿父卒哀幾滅性後爲人傭工樸勤異衆同夥勸少懈大明日食人之食忠人之事吾盡吾分而已

俱同上

肥鄉縣

賀應旌字懷菴順治二年舉人知丹陽縣有文章經濟名寇犯鎮江應旌請兵駐防悉力守禦城賴以完纂修縣志考據詳實著有雲陽政畧澤畔狂言等篇行世

繼

輔通志

李貞吉字元善歲貢博學強記順治時鄉試甫出二場聞母病馳歸文已中前茅因無三場卷撤之旋棄舉子業從孫奇逢問學學益進賀應旌尤欽其學業

縣志

張一貫字萬通庠生通星歷地志兵法喪父與兄一秉古禮治家嚴肅以正道率人力闢二氏邪說聞孫奇逢講學蘇門學其道而私淑之家近漳水自號漳濱逸叟足迹不入城市者四十年年九十四卒

畿輔通志

張祖岱懋忠子少入郡庠由恩廕授霑化令革陋規除弊政潔己愛民輿情感服告歸與兄祖恆詩詞唱和以

終祖恆明庠生廕錦衣千戶甲申後築圃蒔花賦詩飲

酒陶然自適

縣志

程陸拔貢生二歲失怙抱恨哀痛終身素服時以孝聞子禹書亦天性孝友康熙壬寅拔貢又韓印少孤兄弟五人印上事孀母下撫諸弟人稱其孝友

程學禮歲貢生幼遊桐城姚羹胡先生門中年潛心理學父應熊仕雲南聞變冒險往迎親歸康熙戊戌與弟應魁協力捐修廢城卒年六十三著有萬里迎親記一簣錄等書

俱同上

張瑞生康熙二十九年進士授定南知縣崇學校重農

桑嚴保甲均徵派詳免運銷帑鹽歲歉開倉賑饑全活

萬計內遷吏部郎中忤當道歸家居二十年卒通志

李愨字存之諸生建藝圃延師教鄉黨子弟立義冢設

義倉儲穀周窮乏性嗜梅自號萬梅老人著有薜蘿草

白雪吟年七十三卒縣志

李鯨字橫海貢生孝友端方為學守程朱家法靜存動

察以敬為主親歿祭葬一依家禮齋沐虔薦終身如一

日縣令以懿行可風旌其門著有省心編祭義纂要李

苑實號其香貢生居內外喪盡哀盡禮慷慨好施助婚

葬三十餘家同上

李愷號世其家貧嗜書寡交遊取予不苟友人以千金

投之拒不納為詩文刻深峭拔尤邃於周程張朱之書

署其園曰抱甕自號甕叟舊志

高崑監生性孝父病藥必親嘗歿廬柩側三年不入

寢室侍祖父母病亦如之歿俱廬柩側十餘年夫婦未

嘗會面乾隆初年奉

旨旌表

畿輔通志

張毓藻乾隆乙丑進士知梁山縣愛民禮士翦惡佑善

屢雪奇獄明決如神請假告歸授課生徒足跡不履城

市縣志

王建業字化遠乾隆甲子舉人博學能文督學使者觀風首拔以冠正順廣大四府與張士俊王桂聯課於路家堡一時學者咸推重之士俊乾隆庚午舉人年未四十而卒人尤惜之

高國光歲貢生安貧力學年逾八十不懈遠近學者多宗之乾隆辛卯縣令戴棻以學海文河表其宅武發仁乾隆己亥舉人溫厚端方循循善誘谷士毅武士仁吳欽洙皆出其門擢高第士仁尤工書法史鵬嘉慶戊辰武進士由侍衛歷官寶慶協都司綏甯營遊擊綏靖苗疆威惠不著秩滿引假歸卒於家子紹

勳肇榮皆庠生英毅有父風咸豐辛酉守城剿賊不辭勞瘁保加五品銜

俱同上

楊履安嘉慶十八年歲凶荒與母避難河南母病亡履

安年甫十三負骨歸葬人稱爲奇孝

畿輔通志

王心一字環山嘉慶癸酉拔貢舉人幼從鄉賢閻允中學旋受業於錢塘鄭念橋太史之門丙戌大挑一等署山東臨朐臨邑博山諸城等縣所至有惠政道光戊戌補高苑縣縣西南舊有軍張壩宣洩小清河水修壩費舊例用四鄉工役椿料派民採購心一捐廉鳩工一切累民事概行豁免勒石以垂永久解組歸兩袖清風晏

如也主講磁州書院成就甚多年五十六歲卒著有四書摘異綱鑑姓氏簡錄深柳堂詩稿集鳳樓詩集合刻行世叔文萃字蔚興道光壬午舉人以文學著子心田舉人心一子岱齡明經崧齡字壽岩道光丙午舉人大挑一等署阜甯縣時海寇猖獗募鄉勇拿獲海寇四十餘名地方賴以安堵大吏保奏以直隸州用旋署海州泰興皆有政聲補授山陽值西匪竄擾清淮金陵徐邳各處兵差絡繹同治元年匪復竄山陽圍府城帶勇接仗力解府圍一郡獲安奏聞

賞戴花翎加知府銜後以勞卒於官

武澄清撰傳
兼採訪冊

史鵠習韜鈴精騎射中嘉慶十九年一甲第二名武進士由侍衛授高州鎮標遊擊署欽雷二營參將雷州北虎傷人鵠單騎馳逐一箭射之殪患遂絕軍民建祠祀之道光十二年湖南猺匪竄廣東調赴連州防守遇賊余高汎殺數十人槍傷其股陣亡事聞

賜祭葬世襲雲騎尉職同治二年入祀忠義祠

畿輔通志

裴方城增生石蘊珽監生皆少孤事繼母孝行止端方鄭克恭庠生母患癱疾奉侍數年不衰撫兄子如己出廩生李達道庠生苗霖雨民人王倉事親亦以孝稱同上高如嶧庠生家貧服賈兄弟五人皆恃以生養姪諶五

歲失怙恃撫養成立卒年八十五喬際明貢生趙綱恩
貢生張金城庠生皆守正不阿里黨推服又貢生裴青
黎學有淵源博通經傳縣志
常奇珍道光二十五年武進士由侍衛授開建縣守備
地界廣西賊匪擾亂拒戰殺二千餘人咸豐十一年宋
逆竄縣境從知縣楊毓柅剿賊胡盧營力戰陣亡奉

旨賜卹入祀昭忠祠同上

武舒泰咸豐辛酉隨知縣楊毓柅禦賊有功保加五品
銜同治癸亥又隨楊令剿宋景詩於甘家屯卒於軍事
聞

賜卹縣志

武士仁武生北高村團總為人剛方端正辛酉夏教匪
圍困官兵於長橋士仁率民團四百餘人往救戰兩
時之久圍始解後又因團練守城功保加五品銜年七
十七卒探訪冊

劉玉璋武生同治元年賊自廣平分三路撲縣境玉璋
與諸生張希賢督團丁戰賊力竭陣亡武生劉玉珠劉
玉鈴劉玉瓚劉慶龍袁天祺監生劉永清同遇害奉

旨入祀昭忠祠畿輔通志

侯世勳武生侯世選附生油胡寨團長同治壬戌奉調
策應武生侯世奇監生劉澤廣帶隊在前世勳世選督

隊在後行至元固村被賊衝為兩截侯世奇箭斃馬賊二人帶團丁三十餘人奮勇突圍得出左臉受鎗傷劉澤廣陣亡世勳世選力戰被執世勳被賊剮死剖腹剜心世選被賊剮死屍被火焚奉

旨賜卹入祀昭忠祠

縣志

程榮凱武生屯莊團總同治壬戌賊至率四村團丁四百餘人與賊力戰眾寡不敵被賊圍困榮凱受傷墜馬而死府學武生魏青雲亦同時陣亡奉

旨賜卹入祀昭忠祠

王崇儒增生北高團總同治壬戌帶團丁九十餘人助

官隊敗賊西賢店保加六品銜癸亥二月遇賊被執罵賊不屈剝皮而死武生武士貴受傷而死奉

旨賜卹入祀昭忠祠

吳懷瑾府學附生舊店團長賊至被執受傷而死附生蕭及修史册武生張殿魁亦先後遇害奉

旨賜卹入祀昭忠祠

苗雨潤父喪廬墓三年同治二年遇賊殉難入祀昭忠祠

李沅諸生同治二年馬賊繫民女十餘人沅率子弟挾弓矢奪而歸之人稱其義

俱同上

張廷昭字搢笏由附貢生署東明訓導值水災縣令邀辦賑務釐訂戶口實心查放夜不寢寐者三十餘日蠹吏側目而被災者均沾實惠同治間土匪擾境在城團練監造軍器修浚城池徹夜巡警邑令特倚重之肥有崇德書院年久傾圮商請楊合毓枏重修文廟城隍廟文昌閣以次整理皆首捐為之倡同治元年保以訓導遇缺即選二年十二月隨同縣令拿獲匪犯王守清並擒獲匪人白永金出力總督劉保奏

欽加五品銜光緒九年選深州訓導前數日卒子含金增貢

生採訪冊

重修廣平府志卷五十二

列傳七

雞澤

廣平

邯鄲

成安

國朝

雞澤縣

殷岳字伯巖一字宗山篤於孝友與弟淵並負才名崇禎三年舉於鄉父太白由遵義知府遷陝西按察副使將之官時流賊寇漢中關南大震分其黨伺副使江上岳請移檄興安命吏卒迎於江潛由萬山中繞出賊背賊驚為神會督帥惡太白抗直誣以罪岳弟淵詣闕訟不得白太白死於獄岳再疏乞遺骸歸抵家京師陷岳

入西山與淵謀討賊事洩淵被執不屈死賊索岳急承年申涵光募死士與賊戰殺叛奴張問仁岳遂脫於難遊吳越逾年還里上疏理弟事置佐賊諸役於法吏部按籍除知睢甯縣事布袍阜帽騎驢至官舍與民休息治聲大著涵光遺書勸之歸慨然曰我豈以一官易我友哉遂投劾歸所居鄉曰小砦草屋三楹與申涵光張蓋晨夕唱和爲樂時號廣平三君平生不喜律詩謂徒費對儷無益性情所作惟五言古風一體莽莽然肖其爲人王士禎謂其詠史詩古鬱悲壯有橫槊之風誠河朔一奇士也蔚州魏象樞柏鄉魏裔介容城孫奇逢太

原傅山皆折輩行與交少時隨宦歷岷峩太華白門西湖諸勝棄官後襍被往來遊泰岱者一遊百泉林慮者再天台嵩少及秦晉之交歲或再出所至攀躋如不及遊中州愛大隗風土思攜家往約申涵光爲鄰涵光不果乃已後單車入甯夏遊塞外登賀蘭山而歸嘗以不及徧遊海外爲恨康熙九年入閩欲爲武夷之遊病死福州年六十八岳生而和介嘗與田夫野老雜處至俗士未嘗假以詞色讀書必窮義理拒異端邪說尤力里有祠曰三教堂岳盡鬻田產改爲義學教鄉之子弟饘粥不繼自若也著有留耕草堂詩集一卷

朱彝尊撰墓志申涵光撰

行狀涵盼撰傳兼采
漁洋感舊集居易錄

殷之紐字伯芽號樊桐岳從父明天啟四年副貢生甲申後絕意仕進七奉部檄催就選堅卧不起自匾其室曰確堂日讀書課子其中留心經術研究理學凡古今興亡治亂得失必窮極其源流其學一以躬行實踐為主不事浮華鄉居三十餘年未嘗一謁長吏有司聞風式廬冀一瞻丰采卒以老病謝皆歎息去岳棄官歸且暮過從以道義相敦勉岳好客客來之紐輒避去年八十能作小楷類顏魯公麻姑壇記行書得米顛筆意卒年八十三

申涵盼撰傳

康爾祚字允之明舉人順治初授沅江令時沅為賊據年餘始抵任爾祚招集流亡適

王師渡江移檄供餉常德守迫令沅民協濟爾祚曰湯火餘民安忍復加敲扑吾當捐軀救此一方乃奮袂投江沅民爭救得活解組歸卒年八十三

縣志

苑育蕃字百子號西柳學問淵博尤工詩為諸生時夜讀書有婦叩門詭求火拒弗納婦愧而去性純孝家貧躬漁佃奉親順治十四年舉於鄉官寶坻教諭待士有禮饋贄卻不受擢永甯縣甫下車蠲火耗謝苞苴除豪強莫敢干以私夏旱作祈雨詞自責禱雨立應歲乃登

時關中寇警

大師屢駐洛陽百姓運餉風雪中凍餒相望育蕃請上官就本地採買闔邑歡呼卒祀河南名宦著有深柳堂詩

豪

畿輔通志

齊祖望字望子號勉菴祖光繡諸生有隱行祖望博學工詩康熙九年成進士知巴東縣賊渠王鳳岐據巫山李春儒據施州祖望移檄彝陵總兵由建始取施復以密謀授遊擊許嘉謀等寇難悉平以循卓除督捕主事遷武選司員外擢刑部郎中提督通惠河務管理太倉上嘗試部曹於瀛臺祖望以慎簡督撫對拔置第一出守鞏昌

臨洮饑設粥廠全活萬計尋謫歸卒後事始白復職著書甚富子對字龍門諸生有文行

胡俊字升士康熙三十三年進士居家以孝友聞里有房姓挈婦外出夫殞婦依異姓扶櫬歸不逞者誣以姦冤莫辨鬻女求白俊與金而還其女山右周某旅困欲棄室俊厚給之夫婦得相守如初知崇陽縣修廢舉墜崇陽俗訂婚後多貧富易志夫歿之婦與病夫之妻用財入室名曰坐堂招夫以養子養夫藉口俱嚴禁之民知變於理義有豪強劫聘女奪之歸其夫攝篆蒲圻賑濟潛江所在多惠政民勒石頌之

李收字穆生康熙三十八年舉人官懷安教諭興學校勤課諸生卒於官櫬歸士子遮道泣送數十里不忍去著有典解行世

齊祖頊字若水諸生資性高邁博極羣書隱於東柳村年八十未嘗一至縣城適城內有友居母喪祖頊曰是不可不弔邑人聞其至擁道以觀好爲詩古文工隸篆人爭購之著有淡菴書鈔樂道堂文集年八十六卒

賈法乾字健行貢生事母孝母有不悅卽長跪自責務得母歡乃起母性嗜棗歿後見棗卽悲泣不已弟亡撫姪成立遺產以厚者與之年五十無子買一妾詢知己

受聘送之夫家不責償財物夜有鄰人盜其家法乾誠曰若能改過吾當隱此與之錢而去其人卒爲善舉鄉飲耆賓俱同上

李玉海字瀛璧監生少孤事母孝四十年如一日篤厚同支從父從兄皆依以養乾隆庚辰歲饑極貧者撫之流徙者還之捐資濬溝通牛尾河水以溉田至今鄉人德之時又有田統三郝際成陳印隆俱以孝友懿行著

縣志

賈廷輔諸生七歲喪母奉繼母孝事兄謹父遺產聽兄擇取母病侍湯藥滌除溺器媼族不能婚葬者竭力助

之永年馬某死都中廷輔醵金殯殮邯鄲裴某困保陽不能歸適廷輔同寓濟之得還有司上其事奉

旨旌表入忠義祠 畿輔通志

趙越字踰生貢生幼喪父哀慟幾絕居喪三年不茹葷每食必薦母張氏知文苦志課讀早歲遊庠資脩脯供甘旨能得母歡年八十一卒

賈其仁性至孝母歿父不再娶其仁晨夕侍父側寢則依牀下二十年如一日父好交遊其仁每伺意邀所與具酒肉以從雖典質弗計也邑有忤父母者縣令置通衢令其仁責之觀者如堵咸咨嗟勸勉而去

康收諸生事母孝母病侍湯藥嘗糞卜吉凶知縣管繼武旌其閭賈天興字臨汝諸生幼喪父哀泣廢飲食母好施鄰有鬻妻求生者天興體母意出資保全人憐其貧贈以膏腴卻不受
梁夢熊諸生母卒居喪三年不食葷酒寢與父俱二十一年無倦乾隆十二年

旌表建孝子坊 俱同上

杜敦詩字仲言乾隆十八年舉人自少嗜學老益不倦講學專遵紫陽終身持困勉錄一編以學以教廉正自守邑令雖折節訂交從無一言及詞訟事卒年六十一

著有卻步堂制義

王鍾信年譜

王鍾信號棘亭年十二入邑庠嘉慶辛酉拔貢丁卯舉人親病每夕焚香叩禱十日而親疾瘥博通經史旁及諸子百家館於郡城李氏李藏書甚富鍾信得肆博覽學業益進授徒三十餘年立學規十八科先德行而後文藝集諸家講義爲四書日記後改爲所得隨錄復製躁憂怒傲四箴書座右以自儆著有雅談新聞平干三君詠雞邑人物傳燈下記聞棘亭雜著存草多散佚年六十四歲卒又周昌齡字介眉工詩少與馮南村唱和爲詩壇健將著有椒園偶筆鍾信稱其詩波瀾壯闊法

律精嚴以歲貢終

同上

李遇義同治元年賊犯境遇義率家人擊賊賊至益衆力不能克長男廷獻次廷揚胞姪廷佐孫夢師俱罵賊不絕口而死

縣志稿

梁宗周庠生同治元年賊匪犯境母老不能動履宗周負之而逃體素弱至嘔血不敢稍息卒免於難又有甘興武事母以孝聞

郝泰庠生母死每食必祭其墓或痛哭廢食如是者三年性介清貧自守怡如也又李三父子俱業陶父陷窑內李三濕其衣往救火烈與父俱死

李士魁武生同治二年教匪擾境士魁持刀大呼擊之賊披靡俄而眾至圍攻之且戰且走至南和縣界力竭而死俱同上

高永祥家貧傭於外以孝母聞賊至急歸母已被拘永祥號泣哀懇願以身代賊釋其母而殺永祥於門外聞者憤恨賀家駿撰傳

胡建業賊至持農器率村人禦之斃賊數人賊麇集不勝而死賊投其尸於火又張二麻賊執其父二麻哭泣乞命賊怒殺之縣志稿

廣平縣

王俞巽字乃繹父受人仕嚴州府俞巽嗜古力學弱冠食廩餼淡泊自甘不侈華美顏所居曰鹿舫遭內外喪哀毀骨立甲申後推田產於庶母分財帛均諸妹自擇隙地蒔花竹彈琴賦詩嘯咏弗輟駕舟由濟洛溯江淮入吳越洞府福山遊覽殆徧以次當貢太學友勸入都俞巽曰我正與六橋三竺相寤寐又安能僕僕向長安道上局促效轅下駒乎晚歲卧病廿年手不釋卷著有鑑古樓詩集康熙中卒賀應旌撰傳

王時舟字雪舸俞巽長子工書好吟詠著有蛩響詩集弟時鼐字和季以孝友聞父在牀褥侍養晨昏罔懈父

歿廣廈膏腴皆讓諸兄獨取薄者以自給捐修東嶽廟

王氏祠堂獨力經營不辭勞瘁年八十四卒採訪冊

栗爾寬字裕如恩貢生性仁孝慷慨好施尤善訓誨長

子元乾隆二十六年進士次子魁舉人元字太初年十

二默誦十三經任四川納谿縣有政績著有漳濱文集

一百六十卷集唐詩四卷

尹汝弼歲貢生品行端方博學明經尤工詩賦邑有水

地頻歲被澇逋賦纍纍汝弼懇請上官豁免奉

旨允准人盡德之後選授遷安縣訓導俱同上

王澤畔字秀鬢庠生少聰穎讀書雙行下文豪邁下筆

千言立就面折人過人雖不樂移時亦服其直邑令黃

岡張鳳鳴奇其才每謂博聞強識敦行不怠者其秀鬢

歟晚號東野居士卒年七十五解道顯撰傳

王錡字薦馨太保世揚之六世孫年十五入邑庠慷慨

尚義棄舉業廣交遊人有冤抑每代為剖白肥鄉胡家

堡有太保祖塋祭田一頃二十畝被佃戶偷賣控於官

得歸還乃以租價供祭並立義學遠近以剛直推之採訪冊

冊

韓逢洙字泗濱乾隆間恩貢生忠厚長者士民景仰鄉

鄰有為不善者勸之改行有爭鬪者遇逢洙即解散其

見服於鄰里如此

韓腹心嘉慶庚申武魁家素貧急公好義里中莫不敬服居室將傾鄉人助錢修葺之韓清儒嘉慶癸酉科武舉品端正篤友于救難恤貧鄉里稱頌俱同上

王廷樞字貫中歲貢生光明磊落晚年優遊林下為政於家承先啟後循循有規矩工書行草尤長有趙董遺意人稱為柳溪先生王煜文撰傳

韓元吉字文中幼失恃事繼祖母繼母以孝聞待繼母弟以友稱教子課農俱有義方門內無間言年八十卒人以古君子目之採訪冊

韓應中字寰周道光乙酉拔貢工詩賦多見聞端恭不怠義方垂訓子二景潮景瀛俱廩生

韓在心字君泰少孤家貧好學常刈薪持書少間展卷讀之端方正直道光八年貢成均子對揚字廷獻道光辛巳舉人任沙河縣訓導定州學正所至士林愛戴居父喪悲聲聞於戶外者三年不絕待人忠厚自奉儉約年八十一卒

韓丕功歲貢生睦宗族和鄉鄰里黨重之多化為善良教授生徒先德行後文藝務求有益身心卒後人皆欽其品誼

郭慶和道光己酉拔貢學優品端家僅中貲樂教育不受束脩受業成名者百餘人一時傳爲盛事

馬成龍字負圖歲貢生年十四背誦六經習雜體工詞曲所著有槐陰雜體集四卷生平樂善好施每以積財不如積德之說勸戒親族晚年善念愈篤註釋道言內外性命圭旨等書年七十八無疾而終

王煜經字常甫歲貢生幼從父館於磁州崔柳堂家崔藏書甚富故得窺所未見學益淵博道光元年與族兄舉人王煜文同學於京師每苦讀夜分不倦邑侯王蘭圃器重之後因多病淡於科名喜吟咏著有鷺浦秋聲

草念堂詩話讀餘雜言尤嗜書撫摩古帖老而彌篤遂以書名晚年喜與人談因果號曰望善老人卒年八十六又秦嘉玉庠生善屬文工吟詠年六十四卒

楊士奎字星五廩膳生品行端方家積書萬卷博學嗜讀每夜分不寐尤熟於史漢邑之推博學者首稱焉

張光洺字海晏庠生博學工詩堂弟光潤光友家貧割己田二百六十畝分給之並爲營第宅歲饑罄所有以濟貧乏全活甚衆子開封重義輕財克承父志孫舒錦武舉同治初躬率團勇擊賊與弟重錦俱受傷手刃賊首邑令上其功保以守備用

賞戴藍翎蜀錦武狀元曾孫金鑲拔貢舉人

宋鉞堂字秉虔太學生幼失怙事生母色養兼至事兄恭謹家素封樂善好施周恤族黨始終無間村有貧不能讀者躬教之並給膏火費孝子之稱善人之頌迄今猶樂道不衰子廣淵字靜軒附貢生少孤事孀母以孝聞咸豐十一年夏大旱奸民糾眾謀掠其族人廣淵集團防鳴鐘救之立解散同治初土寇蠶起親故避難來者數十家計口投食復於鄰境僦屋寇迫則挈之以往資糧芻秣悉具焉人謂其克繼家聲云

王敘清字光宇歲貢生自幼嗜讀中年專務實學發明

程朱之旨日與羣弟子講解娓娓不倦成就人材甚眾鄉人表其門曰經明行修

郭善繼太學生咸豐十一年城陷土匪猖獗善繼竭力團練遠近資爲保障同治四五年捻匪遊騎紛竄經縣界率勇擊退之

馬從繩字正甫歲貢生同治初盜賊蜂起縣尹命爲團長簡閱鄉兵埽除逆黨鄰村咸依賴之遇良民被誣力雪其冤遐邇咸稱盛德年六十九歲卒

周夢麟字兆祥歲貢生性耿介取與不苟家貧授徒養親一時碩士宿儒皆以道學目之親歿後潛修益篤與

弟子言率以修身立品爲先學者稱純儒焉

趙金聲字中都家貧嗜讀性孝友處鄉忍讓同治二年流賊擾境鄉人紛紛竄逸金聲負母逃避賊問所負答曰老母也賊感其孝舍之而去年八十歲卒

李九如同治元年舉人性嗜讀生平急公好義修文廟書院廣邑文風因之以振後以修城勦賊功保舉知縣堅辭不就辛未大挑二等候選教職年六十歲卒

孫文庠生品行端方同治初土匪蜂起文團練數十村名儒毅團每遇賊奮不顧身鄉閭賴以獲安邑令上聞獎五品頂戴當道勸之仕力辭生平教讀五十餘年及

門成名者甚衆未嘗議及脩脯壽七十六歲卒子一澄清附生泗清廩生

張萬奇武生性慷慨習拳勇同治二年馬賊擾境萬奇與其子元善姪元吉併力禦之手刃數賊後以衆寡不敵俱被殺賊投其屍於火聞者傷之

李峯雲字奇岫庠生幼失怙事母以孝稱與胞叔同居奉事惟謹析居田宅取劣者同治癸亥二月東匪擾境被擄憤然不屈賊以戈傷其臂逮至韓村母聞被掠往視之峯雲見母至伏地痛哭賊叱其母使去峯雲厲聲罵不絕口遂遇害

張義長同治七年擒匪張總愚南竄二月遊騎百餘團
勇排陣以待自晨至午接戰賊敗走義長中鎗死俱同上
邯鄲縣

張淇字蘭臯國彥曾孫順治元年歲貢任信陽州判署
州事刻厲清廉毫無阿私有政聲陞武昌府通判以老

致仕

縣舊志

劉之琦字丹薰順治丙戌進士授太平府司理才畧敏
捷太平俗素刁頑莅任後廉得其尤無狀者置之法豪
惡斂迹疑難之獄剖決悉當數郡稱神明焉

張奎昇漢子初名奎允以恩貢授浙江奉化令綽有政

聲時海氛未靖設團練以保衛縣境歲饑捐金散賑全
活無算勤於課士士人管三覺等連掇高等奉人以爲

美譚

王鑄順治五年官新田教諭猺寇逼城知縣文運亨勸
之行不去矢志同守城陷死之弟及子俱及於難湖南通志

李桂品字蘭如諸生博學善辨明季館武安縣方講業
土寇至以刃相向桂品踞案叱曰若何爲者吾邯鄲李
蘭如也俄一錦衣者入曰久聞先生名未辨真僞能數
雲臺二十八將名則真矣桂品屈指數已言曰此皆古
烈丈夫赤眉銅馬今無復存者寇喜戒其黨速去後發

狂卒鄭方坤撰傳

劉續邵字高風諸生性孤潔負文名每出遊於市手一編且行且讀眾以狂目之設帳東明觀說經鏗鏗歷代史如指諸掌有受業巨室念其貧奉一篋金為壽詰旦召他弟子十數人至試文擇佳者倒篋授之其清如此門人某問曰人言師狂何故笑曰人狂我我焉得而不狂也既而歎曰命固然矣竟以貧終鄭方坤撰傳

郭璽一名西字楚玉號水村志趣高潔少棄舉子業不樂仕進築室先人墓側蒔花種菜蕭然自得好讀書工有韻之言與曲周劉半舫唱和人呼為水村詩人鄭方坤撰

傳參縣舊志

徐夢松字兆麟康熙元年貢生事親孝好性理之學賊竄邯鄲捐金備城著管見佐議六卷晚遊百泉訪孫奇逢歸立希賢社著獨知集自警與邑舉人郝淵辨定音律能入精微疾革吟詩而逝畿輔通志

溫毓泰字虞南康熙六年進士策論宏博淵茂通達治體一時傳誦授吉水令聽訟嚴明豪強屏迹服闋後補岷縣因吉水呈誤回籍卒縣志稿

張必達字非聞康熙十四年恩貢幼失怙事寡母能色養學使蔣旌其門家貧嗜學授徒養親成就人材甚眾

重刊... 卷五十二... 邯鄲

任涑水訓導卒於官進士謝鵬程任保定府教授亦以

孝友著

畿輔通志
參縣舊志

宋之傑字漢三康熙二十四年舉人博極羣書官薊州

學正課士務以實學著有河洛說七政考黃鐘考讀史

末議雜言等篇

畿輔通志

張養奎字星五康熙四十七年舉人性豪邁讀書目下

數行生平好善疾惡遇事勇而有為著有別集一卷藏

於家

縣舊志

裴大夏字禹聲康熙二十七年進士篤行力學沈默寡

言初授中書舍人後補典籍改兵部主事端方清正不

肯以事干人人亦不敢干以私卒於官

丁又登字連茹康熙四十一年舉人事親孝官刑部主

事陞員外治獄必求其平嘗語人曰刑曹重地人命攸

關吾不敢不盡心也從怡賢親王經理水利營田懋著

勞績擢郎中卒於官

俱同上

任培元性至孝父病晝夜侍左右衣不解帶者數月及

歿哀痛盡禮廬墓三年母死亦如之雍正四年

旌表

同上

何煜字耀生雍正十年貢生食貧力學縣宰鄭方坤重

其行長詩古文工書法受業者多成名從兄某負官債

四百金棄產代償官饒陽訓導得士心檄查樹株捕蝗

蝻捐屨扇恤囚人有政聲年七十六卒縣志

郭廷綬字慎菴雍正乙卯歲貢持身端嚴非公不至吏

庭家授徒餬口怡然自得善文工書邑中世家不愧先

型者必首推之同上

丁克義監生扶親櫬千里哀號感行路以千金產讓弟

人尤難之張維城叔母早寡事之如母竭力奉養以終

其身王確母有瘋疾搔抑扶持頃刻不離數十年如一

日邑令宋燦旌之辛魁元母病噎不食魁元亦不食絕

粒者數日母歿侍父三年不入內室縣令鄭方坤旌其

門畿輔通志

楊應龍字成甫乾隆十八年拔貢博學善摩窠書啟發

後進經指授者雖頑鈍亦開朗著有四書講義古今體

詩藏於家縣志稿

靳培元父歿擗踊悲號晨夕跪進羹飯如事生禮度廬

墓側朔望登堂拜母不入私室以哀毀卒學使旌其門

畿輔通志

管盡善字戩穀嘉慶二年歲貢温厚和平通經義與弟

子朝夕討論與友王永凝余萊甫相切劘弟子如崔保

孫賈怡然皆成名宿著有述聖堂稿縣志稿

安貞吉字孚嘉號桂山父邦有孝友稱貞吉嘉慶十二年舉人署江蘇海州同知補阜甯知縣聽斷勤敏杜私謁絕苞苴以剛介忤上官罷歸士民攀轅祖道為立生祠家居十五載不入城市著有黃浦因利編畿輔通志王永凝字靜遠嘉慶間歲貢詩文書畫醫卜星象各究其蘊尤長於詩教人學詩必探源於漢魏六朝而歸重於唐一時能詩者皆出其門著有靜齋詩集書畫訣陰陽宅摘要等書縣志稿

裴大鵬字萬里嘉慶二十四年舉人品端學粹獨居別業指授生徒成全甚衆人稱為篤行君子又李桂垣廩

生梅垣貢生兄弟友愛工詩賦太守重其品延桂垣入署教讀鄉人以人品雙清表其門

郝贊元字輔天歲貢生博學強識晚歲失明來學者口講指畫不少輟性豪爽不殖田產小有贏餘即以周急子二長樹栗字嘉植道光壬辰舉人主講大康邯山各書院善誘後進教人以品行為先季樹勳字濟廷道光己亥舉人博覽羣經尤精毛詩參互考訂數歷寒暑俱上

程三光字明遠號亮功道光二年武進士第一由侍衛授湖北遠安遊擊力整武備麾下坐作進退擊刺如法

重修廣平府志 卷五十二 列傳七 邯鄲

遷撫標中軍參將崇陽逆匪為亂白楚督請率一隊獨當之不許守城垣造火箭無廢事苗民藐法市肆苦搶掠痛懲之為歛迹晉貴州松桃協副將丁艱服闋授江南督標中軍副將

特簡徐州鎮總兵粵逆猖獗陷長沙武昌寇安慶犯金陵總督奏留坊堵咸豐三年賊抵城下登陴守禦誓與城存亡江霧作賊穴地礮陷儀鳳門揮刃巷戰斬首百餘級力竭死之事聞

賜祭葬如例諡壯愍入祀昭忠祠

畿輔通志

崔保孫字正性道光壬辰恩貢好學能詩與同邑謝運

昌王重道肥鄉王南畛為文社晝夜攻苦著有三餘堂詩文稿廿一史摘要鑒戒錄子崧山霍山華山俱廩貢生華山尤好學老而彌篤年七十餘卒

縣志稿

丁三多咸豐四年以守兵剿土寇河沙鎮首先發銃斃

賊賊聚愈多力竭死

畿輔通志參縣志稿

任兆蘭字吉徵咸豐己未舉人博通經術尤邃於易人皆稱其實學又張文彬字子均恩貢生讀書必身體力行人有過不直斥旁引曲喻使自領悟士林咸推重之

縣志稿

任富文諸生性孝父母病晝夜侍側同治元年賊至負

母逃遇害解剛正貢生親卒三年不入內室賈登輔同治二年寇至負母逃匿賊獲其母登輔泣請代死賊憐其孝釋之李逢泰閻法靳楚皆以廬墓獲

旌時以孝友稱者又有諸生史垂訓于靜安張廷相田見端管

純如賈文星康喆竇良珠武舉郭汝為民人王受教馬

獻書李福林申萬成凡十四人

畿輔通志

徐欽明諸生同治壬戌與文生楊錫純廩生王道隆率鄉民禦賊自辰至己後隊稍卻為賊所乘徐大呼入陣戰敗俱死之同時死者五百餘人事聞奉

旨給雲騎尉世職

畿輔通志 參縣志稿

管三軍武生同治元年土匪擾境與鄰村議修寨練團身充團長保加六品銜七年十月擒匪至帶團丁接戰傷賊數十人弟懋修子淳然孫採芹均歿於陣三軍饒勇善射往來馳逐矢無虛發賊始退一境賴以稍安年八十一卒

探訪 冊

劉清源字超凡廩生同治七年擒匪至擄清源令上馬北行清源不從因大罵與賊搏賊殺之投諸火事聞奉

旨祀昭忠祠李耀宗庠生性嚴正守朱子家法賊至令牧馬大

罵被殺

畿輔通志 參縣志稿

薛振山武童同治七年擒匪至父為賊執乞身代賊義

而縱之旋遇他賊刺死王邦舉母老病侍側不忍去遇害汲沛然索銀不與亦被害武生史成文持弓矢射賊義勇扈保家揮眾殺賊所至披靡賊銜之被禍尤慘

張玉佩侍母病賊至恐驚母誘賊出村與鬪賊眾集遇害任一元躍井中賊下石斃之俱同上

王必恭孝親睦族捐田設立義學道光咸豐間歲荒出粟活饑民無算同治初捻匪擾境修大樓合族鄰避難其中賊縛人至樓下索銀先後活六人需銀數百兩倡修寨堡嚴定章程六年歲饑施粟賑濟灾民日以千計年七十卒採訪册

成安縣

高復興順治二年以貢生知平順縣平順介萬山易潛賊復興廣招募勤訓練約束嚴明奸宄懼伏不敢動躬課農桑土闢民聚擢紹興府同知山西通志楊惠心字孚仲博聞強記嘗與王星歲討論古今辨晰名理人服其精博順治三年以貢生授歸德推官一介不取有貪墨犯刑者納重賂揮之竟置之法升開封府南河同知金龍口決揆宜度勢一舉而定事聞

賜金南河有漁戶例供悉屏卻之奸役私索船賄杖之死大吏

廉其清苦贈以金升開封府知府歸卒

畿輔通志

温如玉字德甫順治九年進士授泌縣知縣修廢補墜聽斷廉明以治行卓異入為刑部主事轉郎中奉使贛蕪兩關事恤商裕國兩得其道分巡池太安道僉事所至有盛名康熙十三年祀鄉賢同上

王元鑣字玉乘行誼端潔工古文善書順治十八年恩貢康熙二年舉於鄉甲辰成進士考選中書

國朝以來文章德行稱并美者無出其右縣志

王順命廩生幼孤事母孝母卒哀慟迫切蔬食不歸內室既葬晝則守墓晚則歸卧主旁三年如一教人先德行後文章不計束脩貧有志者仍恤其家

樊正域字海截康熙時督學李光地奇其才選為貢元後肄業省城蓮池書院學業日進經義子史無不通貫康熙辛丑成進士授富民令以清慎勤擢戶部主事旋升員外郎告歸二十餘年杜門不出太守吳穀表其閭曰鄉國達尊俱同上

温恂監生康熙中官重慶通判

大兵征吳逆恂司糧餉銖粒無悞轉運之費悉捐辦之事賴以濟四川通志後官廣東提舉舊志

石僕字良菴雍正年貢生肄業省城書院有少婦夜至其室峻拒之家貧篤學邑令徐時作慕其品使子弟師

事之馬鵬雲為作篤行歌郭本生亦雍正年貢生秉性端方讀書務求實際鄉人有不規於正者憚見之

縣志

朱鳴字岐音號雪巢工詩古文一時推為宿儒督學使者李光地邀入幕辨晰名理推為前輩先生雍正元年

舉於鄉著有雪巢吟

畿輔通志

趙繼抃字琴一拔貢生居父母喪卧苦枕塊三年未嘗入內室督學旌其門張益潛字孔昭諸生繼母王病性嚴益潛事之謹八載無倦事聞

旌表

同上

潘興邦陶瓦為生飲食不敢先嘗友人邀饌必擇甘旨

攜歸遺其親父母亡燒瓦器書父母生辰年月充誌石廬墓三年每食必祭有司奏聞

詔建坊旌之好事者志其墓曰瓦缸墳

畿輔通志參縣志

張可富家貧性孝父生日思以異味獻不能得置刀竈神前禱之割其股肉以進越七日創愈知縣趙元祚以愚孝難及旌之父卒廬墓側三年

袁顯業農幼喪母年六十至祭日猶痛哭若初喪父年老病癱好遊常負之行數年如一日父卒每夜卧主旁與人言及其親必流涕

俱同上

朱世瑞字輯廷號拙存乾隆六年拔貢幼讀書五行下

重刊廣平府志 卷五十二 列傳七 成安

工書善吟落筆數千言立就授安徽廣德州州判以年

老未就著有侯蟲吟志忘隨筆拙存詩鈔諸集畿輔通志

陶福介親歿廬墓三年不返人勸之不聽知縣遣鼓樂

迎之不得已哭泣而返絕飲食卒

徐有典字敦五諸生天性孝友父母病二十二年有典

進湯藥調飲食無懈意父死晝夜侍母左右有典新婚

母遣之去泣曰母之日短兒之日長何忍旦夕離耶嘉

慶初知縣孫培增旌其門

靳方升字旭輪貢生治喪依文公家禮三年不入內舍

負郭設塾貧者助其讀從遊者百餘人

遂韜事親盡孝養己所置產悉與諸弟共之為學務實

踐以仁讓化其鄉卒祀鄉賢

侯文炳諸生赴叔難殉命知縣屢表其閭安中鄰霍種

德蔡四達監生吳雲龍武生潘從乾諸生周訓七人咸

以孝友稱俱同上

池及修字晉齋幼善騎射年十八中嘉慶戊午武舉任

山東平山前幫領運千總以勞績陞東昌衛掌印守備

公忠自持不受苞苴威令嚴肅軍吏畏而愛之值運糧

時不辭勞瘁上官獎以勞冠儲軍匾額去任日軍吏父

老遮道攀留在任三十餘年宦橐蕭然歸里與兄同居

視猶子如己出教養子姪文武各因其材五世同堂年七十二卒子三長珍訓導次璽典史三珂武庠生採訪冊李鐸字警之增生博學能文同治初東匪擾境鄉紳李申之等舉辦鄉團規模法制皆鐸裁定後團勇與捻匪接戰鐸率丁役往援身受重傷賊退後數日因傷歿鄉人追念之有子三書雲卿雲俱庠生

黃鶴舉字羽卿道光己酉拔貢父大士字懋修有盛德鄉人推重凡邑中築城濬池籌勇糧皆首先捐輸以為倡同治癸亥鶴舉為紅衣賊執脅以利刃不屈俄一賊馳至大聲呼曰此先生長者也毋得爾賊去遂獲免工

詩善畫同治丙寅卒俱同上

李節之諸生同治元年捻匪逼城與職員李玉之李鳳翔王文昭諸生張麟書等分團禦賊陣亡畿輔通志

李湘字景淮少孤事母孝剛方素著同治初教匪擾境縣令招議城防策井井有條登陴固守不遑寢食者數月縣令每語人曰此南城保障也歿後士人為立教思碑採訪冊

霍浩然監生同治元年賊將至浩然在村外與賊約給銀若干馬數匹不令人村賊許之後賊多復擁入浩然大罵責其負約遂遇害

武珍同治元年隨鄉勇與賊戰敗歸家聞父被擄單身復入賊營遇父被縛將殺誘許馬匹令父歸取以身爲質父得逸而珍遇害俱同上

重修廣平府志卷五十二

列傳八 威縣 清河 磁州

國朝

威縣

劉派久字繩顯順治五年舉人知永興縣值吳逆兵圍城派久率兵晝夜捍禦有黨逆者說之降派久曰此吾致命時也益奮勵登城憤極氣塞仆地而死子麟昇櫬走兵燹中卒歸葬時謂臣忠子孝畿輔通志
王灝父允孚任蒙陰知縣勤勞致病灝日夜悲泣割股療之莫能救既沒喪盡其禮哀毀異常山東撫軍檄所

司勒石表其事同上

李庭莊幼失怙恃依其叔州倅公成立後其叔殉戍寅
難有劣生欺其孤孀詐銀誣告庭莊代申寃時家奴輩
乘機欲瓜分孤孀所有庭莊力制之使不得逞其志事
平孤孀以地百五十畝相酌固卻弗受邑人賢其行屢
以耆賓舉年八十一卒縣志

張璞字圃仙曠達不拘細節博學多聞長於吟詠以歲
貢官南宮縣教諭孫丕猷字方壺工書善詩博覽羣書
順治中以歲貢除山東肥城知縣未任卒人多惜之同上
王建衡字子猷號任菴康熙年拔貢品端學優任昌黎

教諭敦學修重士習慨然以維持風化為任後卒於官

著有太極圖說四書參註讀史辨惑任菴詩全集語畧

王氏家訓異聞錄洛陽雜俎洛陽遺稿藏於家採訪冊

張建文字彬雅少孤事繼母孝雍正六年宰河南羅山

縣除城中發喪做規裁納稅餘平額外所加分毫不取

致仕後著有四書制藝名知非稿

張洽字德溥乾隆中庠生研究經史事繼母備盡色養

弟貧邀與共爨閉戶讀書不預外事鄉人重之年七十

四無疾而逝

張式璘字玉亭乾隆四十四年副榜學問優長鄉試七

薦不售父得沈寢疾乃絕意應試課徒奉養後任撫甯縣教諭

張家聲字丕振乾隆丙午歲貢家貧未能專業嘗帶經而耘暇則披覽羣書學問淹貫絕志功名課讀不倦肆力於古文邑中碑記多出其手

李如契字薪傳乾隆己酉科拔貢文名噪一時善啟迪後進晚歲家貧館於山左卒困棘闈資志以歿士人惜之

陶克比字和占邑庠生父患痔延醫調治衣不解帶者累月治家有法恪遵朱文公家訓戒子孫每歲終捐錢百餘緡以給貧乏不能度歲者乾隆壬子歲歉復大疫散粟米施棺木晚年有疾命取負券悉焚之至今鄉里稱述不置

沙孟元字占鰲乾隆末增生幼貧兄弟三人友愛甚篤家計漸裕父曰汝叔早亡遺孤隨母改適盍歸之以延其嗣孟元聞命尋之歸爲結婚授室視如手足父卒與叔子同居二十餘年田產均分一無所私鄉里賴其施濟成立者尤衆七十三歲卒

王春字文煥嘉慶辛酉由拔貢舉於鄉學問深醖交友退讓謙和至討論道理源流得失無不詳明篤孝友

敦睦閭閻至今矜式

張鳳翀字翹羽邑庠生幼孤事繼母孝疾侍湯藥未嘗解衣寢讀書課子貧而益堅長子康侯道光乙未舉於鄉任高陽縣教諭次子建侯歲貢皆克繼家聲

蘇論崇嘉慶戊辰謫錄官江西吉水縣巡檢抵任後勸耕讀緝盜賊禁娼賭農民樂業地方有爭訟者解釋之士民感悅回籍後儉樸自持邑令以後學模範表其閭張引源字脈長嘉慶癸酉拔貢事親孝父母每告人曰有子如此吾心慰矣性好善厚宗族課徒五十餘年常以酒食遊戲為門人戒

徐瀛字仙州性孝友敦任恤捐資四千緡為公族立義學擇族中賢明者司出入迄今數十年入泮食餼者數十人鄉里咸稱焉咸豐八年歲荒賑濟貧民全活尤眾光緒二十年旌又徐彥武與弟彥斌家貧業農撫養季弟彥德至於成立祖宅亦讓之人咸稱其友愛

劉甲字鼎三庠生少失怙事母孝三十餘年定省罔間母卒居喪三年不入內室每食必祭事亡如存族黨稱純孝焉

鄭杰生少孤惟母是依母患殘疾遂棄讀事親動必扶持食必親視事兄尤恭六十餘年無少間歲饑出粟以

貸鄉鄰共稱善人

李天一增生事親以孝聞友愛諸弟和睦宗族製族譜立義田規爲詳盡繼祖父之志施藥療疾善書畫年八十卒又庠生張世臣貢生任世琅王居豐皆以孝友著于作梅庠生幼失怙母享大年作梅侍寢食刻不離左右數十年如一日鄉里稱孝子焉又庠生郭維藩事繼母孝弟早卒待諸姪優厚年八十餘卒

王守先字待後監生父失明而性嚴朝夕事之曲體父心鄉人感化與弟同居怡怡無間言至今咸稱其德徐和庭家貧有孝行中年喪父肩挑運甓於墓側廬而

守焉朝夕哭泣菜羹必祭三年衆人苦勸乃歸又張存誠亦親喪廬墓

趙瓊字含輝道光辛巳舉人事繼母孝居恆非義不取教育及門成材尤衆著有文集二卷行世

陶瀛洲字亦環道光乙酉拔貢本科舉人博極羣書砥礪廉隅友愛手足遺產盡付於弟事叔父尤謹著有課藝存草

徐瀾字觀濤道光壬辰科副榜以州判分發廣西捕獲巨盜上官奇其才丁內艱服闋後以父老改發山西任解州州判署理解州事剖決如神陞補安邑知縣邑人

有武斷慣訟者痛懲之一境肅然咸豐二年八月髮逆由河南竄垣曲張觀察奉檄防堵遇害瀾以安邑令兼署猝聞警人情惶恐有議閉城門者瀾謂運垣商賈錯處居民不下萬戶驟禁出入賊未至我先亂矣選壯丁繕器械爲固守計賊知有備由絳縣東竄紳商士庶立碑以記其事置長生祿位祀之上官保以知府用外艱服滿赴陝西中丞曾望顏倚重之以勞績保薦補缺後以道員用是時軍書旁午大吏方倚爲左右手而瀾遠以積勞卒

趙廷輝字殿颺道光己亥舉人自奉儉約待人忠誠天性純孝研究周易詳加註解四子書多所領悟批注成帙至老不倦王步瀛廩膳生性耿介不與世浮沈生平義利二字辨之尤嚴課讀五十餘年教人以立行爲先來學者不計脩脯勤於提撕遇有疑義指示一二語意旨豁如奇說異聞罔能搖動有古狷者風

翟洛梧字棲鳳咸豐乙卯舉人居授徒肆力於學每讀經諸生環侍口講指畫聽者相悅以解性孝友纂修譜牒持身恭儉待人忠厚謙沖尤足矜式閭里

劉醇玫貢生事母孝事兄恭慷慨好義咸豐七年秋遭蟲災鄉民飢餒發累年之積按戶分給貧民賴以存活

者數百餘家歿後鄉人稱道不忘又文生劉星燦明斷有為一邑資為保障

劉維城武生同治二年流寇至是日大霧烈風維城率數村人防禦為寇所圍手持利刃罵賊不屈死屍橫野外弟維範年二十歲流賊欲挾去罵賊不屈而亡監生傅春光從九劉朋昭皆偕維城禦寇陣亡同時死難者一百二十人詳殉難錄

陶翰光一作翰元性純篤事親孝同治二年流賊至父文登

首率團練禦寇為賊所敗翰光持兵接護父免難已被數鎗賊去後因傷死瀕危猶大呼賊子敢傷吾父者再

陶翰春文童寇至率村人力禦眾寡不敵罵賊不屈而亡

李福林同治三年隨苗軍効力保五品軍功後與賊在鄆城柳條園村接戰陣亡

勅贈武略騎尉俱同上

清河縣

史欽命字簡策父俊麟崇禎時施粥立義冢有好施名欽命由拔貢生官浙江嵊縣知縣修學宮端士習單騎巡鄉勸諭梗頑向化輕徭役矜人德之以親老乞歸里居勸民出粟做古義倉法備凶荒從兄嫂寡居無子給

清河縣志卷之八 列傳八 清河

衣食完其節卒祀鄉賢

畿輔通志參縣志

湯調鼎順治初知澧州流寇袁劉等劫掠為民害調鼎偕參將唐洪追勦克復撫循荒殘建延光書院養士人

文大興

湖南通志

簡潤民字澤宇諸生積粟賑鄉里貧民有賣女償債者潤民知之急與金贖立焚其券給資粟養之俗稱簡佛長子調陞明舉人順治初宰玉山縣治績稱最羽書旁午才堪肆應上官稱為盤錯利器未幾卒於官

畿輔通志參

縣志

滕運昌父病腸結醫云嘗糞甘苦可卜吉凶運昌嘗味

苦喜曰吾父得生矣尋病愈母病心驚侍榻前夜不撤燭者五年母嗜雞歿後終身不食順治六年奉

旨旌表雍正八年入忠孝祠

大清一統志

張韞秀七歲父歿遺言以讀書為孝韞秀每對父讀輒感泣稍長從兄受業年十三補弟子員篤於孝友又高一相事父至孝順治中皆奉

旨旌表

畿輔通志參縣志

楊思祖字念修七歲失怙事母孝士人欲以上聞思祖力止之曰事母而求名余何忍年十四入泮食餼績學早逝臨終顧母垂淚以手畫繩武字示二子首向母叩

頭者三一痛而絕縣志

殷肇基諸生事父得歡心飲食必親奉父所嗜百計營求以進邑人稱殷孝子督學使者表其閭又監生顧德祿事繼母以孝著廩生張含耀撫弱弟以友稱舊志參縣志王業新字日章諸生性剛直研究理學至老不倦著有四書醒目易經醒目詩經醒目等書乾隆二十五年卒年七十六

李禹字塗山監生體貌魁偉乾隆時

純皇帝南巡經油坊鎮禹同邑紳耆跪迎

帝奇其貌引

命渡海製銅回京

授以官禹以不學辭予以金亦不受乃加徵仕郎銜並給地理

圖煙袋荷包等件十三年長蘆鹽路有逆匪倡亂禹捐

軍需千金蒙

賜花紅邑中創修書院復捐五百金以倡卒後

勅命學士紀昀勒石以表其墓

楊增基字鴻業乾隆十七年舉人事親孝篤學勵品教讀不計脩脯貧者佐以膏火庠序之盛時比之鹿洞鵝湖又王士銑拔貢生亦以文學著俱同上

楊戒盈字持菴嘉慶六年武舉事親孝愉色婉容五十

年如一日又善醫里黨咸稱之又郭永年事父撫弟以

孝友聞子清籬舉人縣志

孫繼曾字若愚嘉慶甲戌進士官河南原武知縣道光

七年開順水渠以備水患一邑均受其利修明倫堂建

義倉七十餘楹以勞瘁卒於官原武人立祠繪像祀之

畿輔通志

宋廷楷字朝幹嘉慶甲戌武進士任湖北沔陽州守備

時地方甫平民多梗頑兵勇尤桀驁不馴廷楷抵任德

威並用兵民帖然讐服通文藝善書法有儒將風縣志

魏文會字輔仁嘉慶丙子舉人學問淵博慎交游不輕

與人通來往課徒務實學成材甚眾又段青霄字近天

增生簡默好學品行文章士林景仰馮完我字太樸廩

生經史博通尤精於易子邵勃皆文生以篤學著同上

楊習字數飛歲貢生博學多聞尤有左癖弟翊廩貢生

由孝廉方正官武強縣教諭值教匪竄擾督辦鄉團一

無所擾鄉人德之事平保以知縣分發山東署莘縣有

政聲姪一堂由孝廉方正官蠡縣教諭一棫咸豐辛酉

拔貢好讀書敦實行選授金州廳訓導縣志參採訪冊

楊裕字漸達例貢生事親孝輕財好施濟貧恤困不喜

人知山東頗遭河患慨助賑銀奉

重修廣平府志 卷五十三 列傳八 清河

旨准建坊給予樂善好施字樣子三一鳴例貢生以團練保加道銜一峯咸豐辛亥舉人讀書通大義值髮捻倡亂土匪竄擾清河適當其衝王官莊尤爲邑之巨鎮一峯與胞弟一鶴倡捐經費築壘壁精器械練勇丁鄉人得免於難事平保加同知銜選授新樂縣教諭以理學經義訓諸生尤善醫活人無算子鼎昌附貢生官洛川知縣一鶴官樂陵知縣

姜安字廷一武生道光三年監修河隄劉邑令甚倚重之十八年創修經正書院捐金爲倡歲饑出粟救荒窮困多賴以濟子天錫嘉慶戊寅武舉官淮安府漕標守備時英夷犯境帶兵至上海縣東溝口防堵繼又赴吳淞口與夷人戰自寅至巳力不衰後告終養旋里莊廣憲增生弟貢本偕厥配相繼歿遺孤甫週歲教養成立入邑庠又早逝復撫其子家庭和睦七世同居道光三年隨劉邑令督修隄工十八年捐修書院邑令沈元文以齒德兼尊表其閭卒年八十八

崔良儒字易直救災恤貧輕財好施晚年家益落嘗醉後負錢卧道側竊者持錢將行諦審之曰崔先生也乃喚醒送歸遇鄉人構訟墊錢以和息之里黨咸稱盛德子金山庠生孫丹桂咸豐庚申進士宰交城縣有政聲

范素琴字慶堂道光乙未舉人父繼文以孝義著素琴性淡泊不樂仕進非公事不入公門士林欽其品學潘愚恩貢生博覽羣書尤精數學年八十餘卒

張太和字熙庵性嚴正平爭息訟人皆服其公允尤輕財好義教授生徒先勗以立品子三長傑三恩貢生孫種玉振玉皆歲貢生家學淵源士林奉爲楷模又郎有方夷愉開豁雅重斯文因命其子鳳來就讀子領鄉薦宰山東莘縣有政聲俱同上

王協和字萬邦監生道光年河水漲日暮父渡河舟覆協和聞之急與兄弟投河拯之至夜半無蹤迹仰天大

哭旋又入水抱尸上岸里黨稱其孝

縣志

王本正字端士父歿事母倍謹母或責弟卽代跪乞恕母年八十餘衣衾有污穢者親爲澣濯一鄉稱孝友焉子尙寬舉人又貢生田蔗林孫萬選庠生王希皋王春霆王瑞雲滕來繼張書琴莊德立恩貢生孫慎徽增生楊繼芳廩生王步雲許掌銘俱以孝行稱

畿輔通志參縣志

范桂林字月香監生性嚴正慷慨好施遇歲荒捐錢輸穀保全甚衆邑令表其門曰德範可風子三長清源字澄宇監生有至性父晚歲患偏枯出入扶掖刻不忍離里中有新聞瑣事詳述之以解頤父卒啼泣悲號誓

以身殉戚族再三勸慰乃已縮衣菲食自奉極儉待人獨厚鄉人貧不能讀者出貲助之遇物坦白無城府隣里感其盛德數十年無詞訟遇孀居不能自存者周恤以保其節鄉黨每呼為范善人光緒乙亥旱疫道殣相望獨捐巨貲酌給老羸鄰里賴以全活者甚眾卒年六十九子五翰文舉人恢文副貢生右文廩貢生奎文廩生儲文庠生縣志參探訪冊

郭兆藩字介維道光己酉科舉人事親孝偕弟振聲承歡膝下怡怡如也家貧績學一邑推為宿儒咸豐同治間舉辦團防以功選旌德知縣未赴任而卒又廩貢郭

立經歲貢滕雅淹貫經史後進多資其陶成同上

劉步嶺字升瀛咸豐辛酉舉人年十五失怙事孀母孺慕益篤以母老不求仕進授徒以養會試後揀選以知縣用不就親友有代為集貲者強之行亦不肯王邑令重其品延主本邑書院講席日必步歸省母有饋異味者攜歸奉之母卒飲泣三年獨居不入內室門人亦罕得見年六十三無疾而卒探訪冊

莊晬然庠生弟維貞早逝撫猶子以義方同治六年土匪肆擾公舉為團總身率練勇力為捍禦七年奉檄沿河築隄防守歲饑議賑首捐以倡濬河渠除水患善行

至今稱之

縣志參採訪冊

范五教字敬敷嗜讀書而絕意仕進杜門不出時以書畫自娛嘗有人生世上何所樂自問無愧乃為樂之語子兆麟字占元幼貧務農事親孝居平無疾言厲色遇物尤篤厚里巷稱盛德焉又庠生趙範中涉獵經史數十年不與外事蕭然有隱士風

牛樂山母卒恐父憂鬱常伴父宿以慰之率兩弟操作甘旨未嘗少缺友于昆仲親愛如童時又王著明于青雲庠生倪乘雲牛聘元石貞觀農人滕錫朋馮永安皆事母以孝聞邨清法事父以孝聞

滕君立字安邦剛正有膽識急公好義咸豐四年逆匪竄擾首倡團練協力攻賊屢次獲勝鄉人賴之杜文英處家以孝友聞居恆平爭息訟慷慨好施咸豐二年舉鄉飲介賓十一年逆匪肆擾舉辦團練同治四年保加七品銜卒後鄰近六村感仰德行立碑頌美俱同上郭長春字遐齡庠生純篤好學嘗銘座右曰讀書不務敦實行斯世何貴有吾儒母病卧數年晨昏侍湯藥無片刻少懈既歿飲泣三年人稱孝子採訪冊

磁州

樂體元字心化總角能文子然自負家徒壁立處之泰

然事繼母撫異弟以孝友聞萬曆四十六年舉於鄉入

國朝仕荆門知州有惠政

畿輔通志

楊啟辰字元蓋明武舉人能詩詠清泉寺五律清麗可

誦士林傳播

國朝以平海寇功加副將銜封懷遠將軍

畿輔詩傳

李鴻勳字勤王順治三年進士官山西陽城知縣性豪

邁鍵戶下帷讀書樓上始而讀繼而哭時擲瓦片以足

蹴之刻苦自勵年三十始入泮歸里後陶情詩酒詩花

竹雅集名流嘯歌自樂書法遒勁跌宕不羈

畿輔詩傳參磁人

詩鈔

張潛字上若明兵部尚書鏡心子生而穎異數歲讀書通大義年十二補諸生順治三年舉於鄉六年成進士九年壬辰改庶吉士與楊彬共砥礪為聖賢之學性至孝聞母病即乞養歸躬侍湯藥割股進母病獲痊後連丁內外艱哀毀骨立服闋赴補會

世祖命入

觀監司條奏地方利病大梁道沈荃詢於潛潛謂鄴下朝歌郡當孔道歲苦供億請大兵駐二郡旁邑協力供應則眾擎易舉民困可甦荃然之章上得請永為例未幾有詞林外轉之命同人錯愕潛怡然歸鍵戶讀書窮究身

心性命之學萃古人格言懿行以勉子弟家居二十年不妄交遊惟與容城孫奇逢往復論學無虛日嘗曰真學問在行誼若知而不行猶弗知也又曰除忠孝倫常外別無道學其所得可知矣時三輔兩河稱夏峯滏陽兩先生如泰山北斗年五十八卒著有澹甯集十卷杜

詩注解二十卷

國朝先正事畧參北學編磁人詩鈔郭棻撰傳

李士宏順治五年授台州推官性廉介執法不少徇時台初定鎮將縱恣士宏一繩以法城鄉之人始獲帖席仙居防將趙德悍而黠陰令所俘盜牽連平民士宏以巡撫檄莅仙居趙不敢恣民咸相告曰李公生我及去

任出郊士民擁還不得行者累月

大清一統志

楊遺白字清源一字卿項順治間貢生官河南內黃知縣明達有吏才左右胥吏多緣林攝以威感以德畏若神明未幾謝去士民思之立碑遺白性倜儻飲酒可一石歸里作囂囂樓於南郭別墅以詩酒抒興者垂二十

年

畿輔詩傳參楊方晁撰傳內黃縣志

陳聖俞字起菴順治十五年進士知永嘉縣永嘉俗刁猾動操長吏長短以危言中之被逐去者相望聖俞治以公申免逋賦數千金辯復諸生罣誤者十餘人代民還營債贖其留質妻女頌聲大作以內艱歸囊橐蕭然

未幾卒永嘉人肖像以祀著有寓甌雜詠歸田詩子倬字卓人拔貢生父歿廬墓側繼母張性嚴倬與妻事之謹弟佶張所出也善病倬與同榻六載終身無間言人謂行如其父世以孝友顯云

畿輔詩傳參舊志磁人詩鈔

康霖生字澤遠號巔菴順治十六年進士康熙六年官廣東連山知縣洞猺暴橫下車單騎安撫陳以大義學宮久圯擇地建學於興聖里之山麓學成以憂去再補山東卽墨縣歲荒招流亡給籽種耕牛歲大登復割俸立廩市鬪闖櫛比民立生祠於華陰集肖像事之十一年卒於任祀名宦鄉賢霖生事繼母孝母病乞天請身

代立義學延師教族中子弟資以膏火州人至今稱之

楊方晃撰傳

陳獻字子賢號八夫康熙十一年貢生官泌陽訓導甲申十月

王師下江左獻上策勸抵關中靖寇氛王奇之授郎中命隨南征獻辭以親老贈金帛歸三十八年邑大旱民苦徵比獻致書知州痛陳民膜得以養馬免消逋賦民鮮隅泣負笈遊吳越齊閩楚蜀間至海甯見安陽許三禮講學於遵道書院謂志學只是一貫諸生茫然獻進曰一貫是聖人宗傳自入手用功已確見學須一貫遵而

行之至於從心所欲有生熟之分無前後之異學者乃謂一貫是聖人末稍得力處然則聖人前半生學問尙屬支離耶三禮擊節曰此理學名言也分訓泌陽時柘城竇克勤官教諭集諸生講太極西銘等書獻曰西銘稱乾坤爲父母引民物爲胞與程子以理一分殊貫之學者不知理一故流於楊不知分殊故流於墨反復指示諸生皆敬服之官泌陽三載告歸卒年九十三

楊方晃撰傳

張沖字遂子潛九弟康熙二十年副貢生讀書日數千言究心性理孫奇逢謂其言有體有用不落支蔓平居

不苟言動人莫能窺其蘊學人稱九老先生弟澣字汝

漸雲隱先生第十子高尙不仕樂與詩人文士交名所

居曰敦好齋

楊方晃撰傳兼磁人詩鈔

張榕端字子大號樸園潛子康熙十五年進士改庶吉

士以清書第一授編修二十一年分校禮闈三十一年

升侍讀充日講起居注明年主順天武闈二十三年應

制乾清宮賦詩稱

旨擢國子監祭酒三十四年授內閣學士兼禮部侍郎明年出

使祭泰嶽沂鎮東海作海岱日記進呈是冬督學江南

敕照巡撫行事所拔士如任蘭枝方苞黃越等皆一時名宿正

考外又試詩古文詞掇其尤而錄之名采芳集江南士人立碑頌之事竣赴淮上分理河防捐張福口大工千金身督夫役次第奏績癸未自淮抵京

帝在昌平溫泉召見勞之曰河工辛苦鬚髮盡白矣尋告歸就

樸園遺址築室為遊息所景物清曠間亦巾車蠟屐往來黃華百泉間好為詩雋永大雅不為鉤棘之態閣若璩宋犖龐塏皆稱之卒年七十六著述甚富詳藝文弟橋

恆字子久康熙間貢生官延津縣教諭著有積力齋百詠詩堂弟袖雲字子錫澣子以明經任河南通許縣教諭雍正元年升廣東始興合去許後諸生立石學宮以

誌德官始興一年卒於任始人憐其清苦醵金公送櫬

得歸里弟楠濂字子遜廩生候選訓導經明行修不樂

仕進

畿輔詩傳參楊方晃撰傳宋犖詩序退谷文集

張丙厚字爾載號腹菴榕端子康熙三十三年進士授交城知縣歲大歉徵餉之檄不轉燭而至者數慨然曰吾其逼民於楛朽也乃輦家財貸貧民報完西北山鄉盜藪廉得河北郡有惠重生強幹有力以計致之重生願盡死力遂假以都團練職盜乃息升刑部郎中禁勢家請屬桐城方苞以牽連入獄臺臣雜治丙厚陳古義勗宰臣富甯安聞者皆變色易容其禍以雪平反者幾

二百人旋致政歸里年羹堯總督川陝聞丙厚盛名固請往時巡撫總戎旅見羹堯皆膝行惟丙厚獨長揖屹然眾人中方苞貽以書遂歸京師丙厚好射獵飲酒歌舞盛服玩倜儻有奇氣大興王源歿子兆符貧無依割田宅予之業師李明睿貧且死乏嗣為置百金產擇繼引之家塾磁饑捐金煮粥食之親故孤嫠依者常百餘人其慷慨好施如此卒年五十九弟丙謙孝友慈良父喪哭踊足弱而顛遂致疾卒

方苞撰墓志參楊方晃撰傳

樂玉聲字振三康熙三十六年進士官廣東瓊山縣知縣與兄有聲宏聲金聲俱以能文名

磁人詩鈔

著有退閒堂

稟畿輔詩傳

申程章字實夫號西村康熙五十年舉人考授內閣中書改光州學正雍正五年河南督學使者保薦

召見養心殿

賜玉書香珠等物授浙江海甯知縣雪王大成誣控徐雲卿掘墓之冤升淮安知府清河李甲與張乙有隙李有女病亡誣張扑死知縣定張死罪察其冤平反之桃源盜誣黃通海坐大辟得其情亦得釋時稱無冤民安東諸生朱霞素孝女後奉府道以上各舉一人之

諭卽密摺以朱霞奏聞

重刊廣平府志 卷五十三
召見以所舉不虛授宜城知縣八年淮水浸城躬督搶護以勞

致疾乞休歸年六十卒

畿輔通志

張塏字朗士丙謙子性篤孝居母喪毀瘠盡禮竹燈紙帳讀先世藏書聲淚交下聞者感泣中康熙三十六年舉人授刑部員外郎遇命盜案覆閱再三筆躊躇不忍下大司寇廉其仁屬以青海獻俘諸大獄獄上司寇稱平往時重囚爲隸卒所虐多瘐死塏稔知其弊日必詣獄省視夏月洗剔桎械沃以水漿冬製絮襖給之施善藥療其疫癘終其任囚無失所者雍正二年以例應升知府念母老告歸卒年五十五生平覃研經史詩情沖

夷淡遠神似香山

萬經撰墓誌銘參求我堂詩序

張坦塏弟康熙五十一年進士雍正八年知祿勸縣值東川法夏軍需後州民凋敝適昭通築城徵民夫坦爲力請免役凡訟者片言而折民到於今稱之官至陝西

潼商兵備道

雲南通志參州志

孫芝蓀字文徵號蝶仙諸生候選訓導性蕭灑常焚香靜坐筆牀茶竈詩囊酒瓢備具一室畫花竹草蟲俱稱絕品弟芝蔚字豹文官雲南姚安府通判詩得少陵法

畿輔詩傳兼磁人詩鈔

李培深字靜滋號芙圃雍正元年貢生博通經史工詩

古文詞兼善書畫著有越遊吟燕山草磁人詩鈔

陳慰祖字仲怡雍正二年進士幼英敏不屑屑於章句

見者知為大器合青陽時除奸宄懾豪強吏治肅然尋

擢宿州知州畿輔詩傳 參磁人詩鈔

董昌齡號竹坡諸生肆力於學工古文詞著書不求仕

進日與邑人王澆劉他山彈琴賦詩以行業相勵時稱

三老著有野心齋小集澆字若水諸生性高尚不樂仕

進能詩工書畫鄉里奉為祭酒又李籍字子文雍正二

年舉人孝友方正日手一編至老不倦同上

張珽字孟芳塏子諸生官鄆縣丞鄆濱海田畝全賴塘

堰礮聞蓄洩得宜珽頻年經理有效復條陳利弊數事

上之當事長春塘介江河之衝為潮所毀珽鳩工築之

一夕而成雍正七年薦擢鎮海知縣鎮海為浙東門戶

竈戶多流亡而民田有溢額珽均而補之大吏議民每

畝歲輸錢二文為築塘費珽條其不可遂止署象山清

丁糧餘額四百餘金革行戶筍炭陋規定采穀腳費民

力少舒浙東饑由海運濟民食全活無算丁艱歸起服

官終漢州知州楊方晃撰傳

張照乘字寶賢選貢雍正十三年知贛縣事遷復學宮

於城東故址縣舊無社倉勸士民積穀分儲城鄉數千

石水東嶺赤色慮民有火災栽松以蔽之修八景臺葺

城垣街坊以卓異擢饒州同知歷吉安南昌嘉興知府

贛人建廣德祠祀之

江西贛州府志

楊方冕字東陽晚號鶴巢老人性耽經史究心宋儒諸

書年未弱冠補諸生事親孝喪葬皆如禮乾隆元年

行堅以疾辭教授生徒以閉戶著書為樂嘗言立身行

己不外一誠孔門一貫之道即此也學者能主敬以存

之其極可為聖人其次賢人再其次亦可以檢身寡過

卒年七十六著述甚富詳藝文

畿輔通志

張璫字醉春有孝友名官鹽知事著有容膝軒詩草

輔詩傳

張逢辰乾隆三十年拔貢性孝友尚氣節學問賅博就

職選曹名噪京師宰相和坤欲致諸門下許以巍科逢

辰夷然不屑物論高之

州續志

張璇字星垣乾隆丁酉科拔貢任安徽定遠縣為政嚴

厲而待士則藹然如春羅致邑中英俊鼓舞而培植之

一時文風丕振不數年所識拔者皆接迹而起又嚴於

治盜四境安堵民尤感悅

同上

宋大中字立甫幼失怙母氏許紡績助讀乾隆五十三

重刊廣平府志 卷五十三
年舉於鄉歷知儀隴開縣雲陽通江諸縣通江歲歉捐廉以賑諭富人出粟爲粥食餓者補萬縣奸民遁迹理訟令兩造刻期至株連者除其名吏莫能爲奸自奉儉約母膳必豐卒於官貧不能歸親民爭賻之通江諸縣有踰千里奔赴其喪者紳民建遺愛祠於城東畿輔通志許濬源性醇厚篤內行親卒兄弟欲析居讓良田自取瘠薄鄰有盜其衣物者竟縱之去祕其事不語人人稱其厚乾隆六十年預千叟宴

賜大帶銀牌

戴襄清撰傳

李維植字卓吾嗜學好博覽著有正字源流入卷正韻

易經四卷寫心集一卷寄傲篇一卷唾餘集一卷州志

鍾煦字和字家貧力學有然糠映雪之勤嘉慶癸酉鄉

薦乙未大挑選樂亭縣訓導教士以立品爲先而戒以

涉訟其貧者則周恤之在任五年士林感頌州續志

白倬字甫田潛心性理著有天人類編白氏女訓行世

又萬百齡歲貢生幼失恃事父孝力行善事著有勸孝

歌

畿輔通志
參州續志

孫芝蓋字靖共嗜書好博覽孝於事親晚作愛日樓奉

母又武玳琳守廟養母母氏郭病卧七年飲食便溺皆

躬親母思食雖深夜馳遠道必購歸母歿久言之輒流

重刊廣平府志 卷五十三
涕畿輔通志

張籤字雨香道光十五年進士官陝西長安知縣升留壩同知性和霽博學喜吟文工駢體著有綠筠書屋詩

稿州續志

黃汝瀛字聘三歲貢生課讀之餘諄諄以孝弟爲教歲大祿鄰有買趙氏子者日加箠楚汝瀛憐而贖之業師馬某子亡孫幼爲撫其孤教養成立孔繼慶字吉齋庠生性孝友堂弟早故遺子女皆幼家無恆產爲之撫養業師魏某年老無依就養於繼慶者數年卒爲經理後事王元坤少極貧父母皆老兄復多病元坤爲人傭工

易經四卷寫心集一卷寄傲篇一卷唾餘集一卷州志

鍾煦字和字家貧力學有然糠映雪之勤嘉慶癸酉鄉薦乙未大挑選樂亭縣訓導教士以立品爲先而戒以涉訟其貧者則周恤之在任五年士林感頌州續志

白倬字甫田潛心性理著有天人類編白氏女訓行世又萬百齡歲貢生幼失恃事父孝力行善事著有勸孝

歌畿輔通志參州續志

孫芝蓋字靖共嗜書好博覽孝於事親晚作愛日樓奉母又武玳琳守廟養母母氏郭病卧七年飲食便溺皆躬親母思食雖深夜馳遠道必購歸母歿久言之輒流

涕畿輔通志

張籤字雨香道光十五年進士官陝西長安知縣升留

壩同知性和靄博學喜吟文工駢體著有綠筠書屋詩

稿州續志

黃汝瀛字聘三歲貢生課讀之餘諄諄以孝弟為教歲

大祿鄰有買趙氏子者日加箠楚汝瀛憐而贖之業師

馬某子亡孫幼為撫其孤教養成立孔繼慶字吉齋庠

生性孝友堂弟早故遺子女皆幼家無恆產為之撫養

業師魏某年老無依就養於繼慶者數年卒為經理後

事王元坤少極貧父母皆老兄復多病元坤為人傭工

以養親及父母俱歿漸有餘貲勸兄娶妻為後嗣計戴

尚友閻瑾亦以孝友稱同上

婁發馨事繼母竭力奉養母老起居飲食皆躬親李曙

字煦堂諸生事母就養無方居恆斯須不忍離母歿哀

毀逾恆年七十若童穉失所恃者李聚元家貧竭力供

甘旨父老喜遊背負以行里人稱其孝以勉子弟王端

母疾侍湯藥八年不倦兄歿撫姪如己出畿輔通志

郭枝母歿廬墓三年王坦母卒廬墓五年日啖粥人稱

其難道光十六年卒年七十四時以孝友稱者又有文

生宋學程監生胡燦孫燦三人畿輔通志

張金奏字夏甫增生以主簿分發河南旋改知縣咸豐中帶勇防堵楚旺鎮練士卒明斥堠賊不能越旋署甯甯孟津各縣折獄明決積案一空卸任後以同知升用年六十三卒於官

州續志參孔憲鼓撰傳

張金管字湘東道光丁酉科拔貢補陝西乾州州判改河南直隸州知州初署陳州周家口州判會捻匪窺伺人心搖動金管起六十三街商團調鄉勇駐防沙河兩岸以故捻匪三次攻撲皆以有備無患庚申署獲嘉縣因荒旱頻仍力請緩征民困以蘇因目疾解組生平工書善畫卒年六十八子王林由工部郎中改官河南同

知以知府用署濟源縣有頌聲

州志參王家壁撰傳採訪冊

張守樸字尹孚道光己酉拔貢父思誠字純修事親孝堂兄思敬早世遺孤幼胞伯年七旬思誠仰事俯畜敬愛兼至道光庚寅地震姪守經及其妻子俱壓樓下家人亦多被壓他屋思誠仰天哭曰吾兄止遺此子必先救之比救出俱無恙守樸品端學粹鄉黨推重性至孝父暮年患癱疾飲食便溺晝夜侍之十餘年如一日同治初髮捻蜂起州人推為巡社長首出貲募丁壯數百人訓以陣法鄰村咸願受署入伍籍軍聲大震州牧聞之約為城守助乃移軍屯南門外時避難者紛雜眾疑

有變守樸指揮從容眾心乃定先由拔貢捐內閣中書
因母老不赴職晚年築別墅名曰環溪日與朋儕飲酒
賦詩嘯詠其中事兄尤謹既析居割腴田五十畝為兄
養老資人尤稱之著有溪園詩集藏於家子敘賓進士

敘九舉人

洪良品撰
傳參州冊

胡克仁字復庭家貧父烈授徒四方母失明事之孝日
僅一餐攻苦益力咸豐元年領鄉薦肆力於古文課徒
養親顏其齋曰象山志景從也年五十以大挑一等宰
歙縣政平訟理嘗以鯁直忤上官上官亦不加罪性不
喜治生產所得廉俸散給困窮在官二載貧約如初死

之日歙人歌其德以紀之子畚廩生弟克順弱冠登賢
書品端學優歲早集捐穀米以濟貧土匪滋擾團練鄉
伍保衛一方年三十七卒人多惜之

祁世長撰傳
參採訪冊

陳國祥字吉兆武生父亮字希賢事親孝猶子失怙族
姪無依皆撫育成立里黨稱之國祥驍勇有胆識讀書
通大義同治元年教匪張錫珠竄擾國祥為巡社長每
夜在團局操演弓馬聞賊近州城同監生袁步雲民人
王之綸偵之遙望烽火同人欲還國祥曰我輩既以此
事自任必探得實情方可見城中父老至秦家營遇賊
發矢斃賊數名寡不敵眾轉戰至屯莊力竭而亡王之

重修廣平府志 卷五十三
綸亦被殺步雲中槍由頰貫耳刀折右肱鼻歸踰月卒
奉

旨准入祀昭忠祠州牧以千秋剛烈旌其閭子詩武生孫繼虞

文生

州續志參戴襄清撰傳

劉步青字凌雲廩生年七歲母邁疾聞諺語以龜爲羹可瘳諸病乃默持農具往尋時歲旱川竭徘徊於渴澤間忽巖穴中洩小光迹之有龜伏焉持歸解以啖母病卽愈鄉人以爲孝感十九歲入邑庠家寒值歲饑嘗累日不舉火誦聲猶琅琅出戶外博通漢宋諸儒書堪與兵陣等篇無不究覽王環山先生重其品學招入書院

肄業丁父憂除喪後遊歷五臺幽薊諸名山雍冀青兗諸名郡所在題詠歸築室於堂西隅授徒養母州牧程光澐念其貧周之不受母年八十二卒步青哀毀如孺子與人言及輒流涕光緒戊子以疾終著有醒家編示

孝篇

採訪冊

王景新字容堂咸豐元年由廩貢生公舉孝廉方正父患癱症飲食起居晝夜扶持五年不怠鄉人稱孝行焉道光末歲荒施粥救饑咸豐九年又捐穀濟衆卒年六十七

張晉字康侯廩貢生少失怙侍母敬兄訓子姪一門雍

睦族黨翕然稱善博學能文勤於訓迪從學者眾州牧下車必造廬訪利弊咸豐間土匪擾亂躬率練軍力爲堵禦境賴以安年五十餘卒又附貢王化清亦以孝友著

張敘典字克從廩貢生同治戊辰賊至漳河敘典督團勇於河北禦之經數晝夜賊不敢渡後教匪滋蔓愚氓多惑每月朔宣講

聖諭廣訓以曉之光緒戊寅歲歉州西有萑苻肆出剽掠敘典設守禦之方一方無恐後選唐山教諭弟敘功附貢生以孝友聞俱同上

重修廣平府志卷五十四

列傳九 流寓

周

子家羈魯昭公二十八年公如晉次于乾侯子家子曰有求於人而卽其安人孰矜之其造於竟弗聽二十九年公至自乾侯處于鄆齊侯使高張來唁公稱主君子家子曰齊卑君矣君祇辱焉公如乾侯衛侯來獻其乘馬曰啟服塹而死公將爲之櫝子家子曰從者病矣請以食之乃以幃裹之三十二年季孫從知伯如乾侯子家子曰君與之歸一慚之不忍而終身慚乎公曰諾荀

躒以晉侯之命唁公公曰君惠顧先君之好施及亡人將使歸奠除宗祧以事君則不能見夫人已所能見夫人者有如河荀躒掩耳而走曰臣請復於寡君退而謂季孫君怒未怠子姑歸祭子家子曰君以一乘入於魯師季孫必與君歸公欲從之眾從者脅公不得歸三十一年公疾賜子家子雙琥一環一璧輕服受之大夫皆受其賜己未公薨於乾侯子家子反賜於府人曰吾不敢逆君命也大夫皆反其賜左傳

樂毅其祖樂羊為魏文侯將伐取中山封以靈壽後子孫因家焉毅賢好兵趙人舉之及武靈王有沙邱之亂

乃去趙適魏使於燕燕王以客禮待之毅辭讓遂委質為臣燕昭王以為亞卿伐齊破之封為昌國君燕惠王立使騎劫代毅將毅畏誅遂西降趙趙封於觀津號曰望諸君燕惠王後悔使人讓毅毅遺惠王書於是燕王復以毅子閒為昌國君毅往來復通燕燕趙以為客卿卒於趙集解望諸君冢在邯鄲西數里閒後亦留趙史記本傳魏公子無忌魏昭王少子安釐王異母弟也封信陵君秦兵圍邯鄲平原君請救於魏魏王使晉鄙將十萬眾留軍壁鄴名為救趙實持兩端以觀望公子請如姬盜兵符椎殺晉鄙進兵卻秦軍遂救邯鄲自知盜符矯殺

不敢歸魏使將將其軍以還而獨與客留趙趙王計以五城封公子公子聞之而有自功之色客說公子曰夫人有德於公子公子不可忘也公子有德於人願公子忘之公子於趙則有功矣於魏則未為忠臣也於是公子立自責而退讓凡留趙十年乃歸

史記本傳

魯仲連齊人也好奇偉倣儻之畫策而不肯仕官任職趙孝成王時秦兵圍邯鄲魏安釐王畏秦使新垣衍間入邯鄲令趙尊秦為帝時仲連適游趙聞之見平原君曰梁客安在吾請為君責而歸之遂見新垣衍曰彼秦者棄禮義而上首功之國也權使其士虜使其民彼即

肆然而為帝過而為政於天下則連有蹈東海而死耳吾不忍為之民也所為見將軍者欲以助趙也將使梁及燕助之新垣衍曰燕則吾請以從矣吾乃梁人先生惡能使梁助之魯連曰梁未睹秦稱帝之害耳使梁睹秦稱帝之害則必助趙矣今秦萬乘之國也梁亦萬乘之國也俱據萬乘之國各有稱王之名睹其一戰而勝欲從而帝之秦無已則且變易諸侯之大臣彼將奪其所不肖而與其所賢奪其所憎而與其所愛又將使其子女讒妾為諸侯妃姬處梁之宮梁王安得晏然而已乎而將軍又何以得故寵乎衍起拜謝請出不敢復言

帝秦秦將聞之爲卻軍五十里於是平原君欲封魯連
連辭讓不受乃置酒以千金爲壽魯連笑曰所謂貴於
天下之士者爲人排患釋難解紛亂而無取也遂辭去
終身不復見

史記本傳

騶衍齊人睹有國者益淫侈不能尙德若大雅整之於
身施及黎庶矣乃深觀陰陽消息而作怪迂之變終始
大聖之篇十餘萬言王公大人初見其術懼然顧化適
趙平原君側行敝席其見尊禮如此

史記孟子子傳

諒毅辨士也趙孝成王九年秦攻魏取甯邑諸侯皆賀
趙王使往賀三反不得通王憂之左右曰諒毅者大王

可試使之毅親受命而往至秦獻書秦王曰大王廣地
甯邑諸侯皆賀敝邑寡君亦竊嘉之不敢甯居使下臣
奉其幣物三至王廷而使不得通使若無罪願大王無
絕其歡若使有罪願得請之秦王使使者報曰吾所使
趙國者小大皆聽吾言則受書幣若不從則使者歸矣
毅對曰下臣之來固願承大國之意也豈敢有難大王
若有以令之請奉而行之無所敢疑於是秦王乃見使
者曰趙豹平原君數欺弄寡人趙能殺之則可不能請
率諸侯受命邯鄲城下毅曰趙豹平原君親寡君之母
弟也猶大王之有葉陽涇陽君也大王以孝治聞於天

下衣服之便於體膳啗之嫌於口未嘗不分於葉陽涇陽君葉陽涇陽君之車馬衣服無非大王之服御者臣聞之覆巢毀卵而鳳凰不翔刳胎焚天而麒麟不至今使臣受大王之令以還報敝邑之君畏懼不敢不行無乃傷葉陽涇陽君之心乎秦王曰諾勿使從政毅曰敝邑之君有母弟不能教誨以惡大國請黜之勿使與政事以稱大國秦王乃喜受其幣而厚遇之國策

荆軻衛人其先乃齊人徙於衛衛人謂之慶卿嘗游於邯鄲魯句踐與荆軻博爭道魯句踐怒而叱之荆軻嘿而逃去遂不復會史記本傳

漢

班彪字叔皮扶風安陵人父稚哀帝時為廣平太守母夢文虎入室生焉遂名曰彪未弱冠博覽羣書年二十餘三輔大亂避難從隗囂天水知天意興漢著王命論以感囂囂終不寤遂避地河西為竇融畫策事漢光武聞彪材召舉司隸茂才遂為世名儒班固班超曹大家皆其後裔後漢書本傳兼採舊志

陳逸汝南平輿人父蕃為曹節王甫等矯詔收捕死獄中宗族皆禁錮蕃友人朱震收葬蕃尸匿逸於甘陵界中事覺繫獄震受考掠誓死不言故逸得免後黃巾賊

起大赦黨人乃還

後漢書
陳蕃傳

三國魏

管輅字公明平原人明易理精於天文風角占相之術
廣平劉奉林婦病困輅占曰命在八月辛卯日日中之
時林謂必不然而婦漸差至秋發動一如輅言清河王
經去官還家輅與相見經曰近有一怪大不喜之欲煩
作卦卦成輅曰爻吉不爲怪也君夜在堂戶前有流光
如燕爵者人居懷中殷殷有聲內神不安解衣彷徨招
呼婦人覓索餘光經大笑曰實如君言輅曰吉遷官之
徵也其應行至頃之經爲江夏太守輅至列人典農王

宏直許有飄風高三尺餘從申上來在庭中幢幢回轉
息以復起良久乃止直以問輅輅曰東方當有馬吏至
恐父哭子明日膠東吏到直子果亡直問故輅曰其日
乙卯則長子之候也木落於申斗建申申破寅死喪之
候也日加午而風發則馬之候也離爲文章則吏之候
也申未爲虎虎爲大人則父之候也有雄雉飛來登直
內鈴柱頭直大以不安令輅作卦輅曰到五月必遷至
期直爲渤海太守族兄孝國居在斥邳輅往從之與二
客會客去輅謂孝國曰此二人天庭及口耳之間異變
俱起雙魂無宅流魂於海骨歸家當並死也復數十日

二人飲酒醉共載車牛驚皆溺死於漳清河太守華表
 召輅為文學掾清河令徐季龍使人行獵令輅筮其所
 得輅曰當獲小獸復非食禽雖有爪牙微而不彊雖有
 文章蔚而不明非虎非雉其名曰狸獵人暮歸果如輅
 言後得休過清河倪太守時天旱倪問輅雨期輅曰今
 夕當雨是日暘燥晝無形似府丞及令在坐咸謂不然
 到鼓一中星月皆沒風雲並起竟成快雨於是倪盛修
 主人禮共為歡樂

魏志本傳

晉

慕容農垂中子初垂之發鄴農為苻丕所留及垂起兵
 農奔列人止於烏桓魯利家謀同舉事盡驅列人居民
 為士卒使趙秋說屠各畢聰等率兵赴之農自將破館
 陶略康臺部署嚴明眾皆喜悅卒敗秦兵斬石越首送

於垂

晉書載記兼通鑑紀事本末

北魏

王憲字顯則北海劇人祖猛苻堅丞相憲幼孤隨伯父
 承在鄴承為慕容承所殺憲奔清河匿於民家皇始中
 輿駕次趙郡之高邑憲乃歸誠太祖見之曰此王猛孫
 也厚禮待之以為本州中正

魏書本傳

北齊

李曉字仁略隴西成紀人學有思理尒朱榮之害曉不
成行得免河陰之難及遷都鄴曉便寓居清河託從母
兄崔凌宅給田築室訓勗子姪無復宦情武定末以世
道方泰乃入都從仕

北齊書
李璵傳

唐

韋述京兆萬年人家廚書二千卷述兒時誦憶略徧父
景駿景龍中爲肥鄉令述從到官元行冲景駿姑子也
爲時儒宗常載書數車自隨述入其室觀書不知寢食
行冲異之試於語前世事述復詳諦如指掌然使屬文
受紙輒就行冲曰外家之寶也舉進士官工部侍郎

唐書

本傳

李粵字伯高趙人安祿山亂粵客清河時年二十餘爲
郡人乞師平原太守顏真卿曰公首倡大義河北諸郡
恃公以爲長城今清河公之西鄰國家平日聚江淮河
南錢帛於彼以贍北軍謂之天下北庫計財足以三平
原之富兵足以倍平原之彊公誠資以士卒撫而有之
以二郡爲腹心則餘郡如四支無不隨所使矣真卿曰
平原兵新集尙未訓練自保恐不足何暇及鄰雖然借
若諾子之請則將何爲乎粵曰清河遣僕銜命於公者
非力不足而借公之師以嘗寇也亦欲觀大賢之明義

耳今仰瞻高意未有決辭定色何敢遽言所爲哉真卿
奇之欲與之兵眾以爲粵年少輕虜徒分兵力必無所
成真卿不得已辭之粵就館復爲書說真卿以爲清河
去逆効順奉粟帛器械以資軍公乃不納而疑之僕回
轅之後清河不能孤立必有所繫託將爲公西面之疆
敵公能無悔乎真卿大驚遽詣其館以兵六千借之送
至境執手別問曰兵已行矣可以言子之所爲乎粵曰
聞朝廷遣程千里將精兵十萬出崞口討賊賊據險拒
之不得前今當引兵先擊魏郡執祿山所署太守袁知
泰納舊太守司馬垂使爲西南主人分兵開崞口出千

里之師因討汲鄴以北至於幽陵郡縣之未下者帥諸
同盟合兵十萬南臨孟津分兵循河據守要害制其北
走之路計官軍東討者不下二十萬河南義兵西向者
亦不減十萬公但當表朝廷堅壁勿戰不過月餘賊必
有內潰相圖之變矣真卿曰善命參軍李擇交等將其
兵會清河博平兵五千人軍於堂邑西南袁知泰遣將
二萬餘人來逆戰三郡兵力戰盡日魏兵大敗斬首萬
餘級捕虜千餘人得馬千匹軍資甚眾知泰奔遂克魏

郡軍聲大振

唐書元德秀傳
參資治通鑑

案舊志列李粵於本郡人物傳中今移改

五代

任圖京兆三原人唐明宗天成二年以太子少保致仕
 出居磁州及宋守殷叛安重誨乘間誣其結構立遣人
 稱制令本州於私第賜自盡圖受命之日聚族酣飲神
 情不擾趙鳳哭曰任圖義士也肯造逆謀以讎君父乎
 如此濫刑何以安國清泰中制贈太傅舊五代史本傳參趙鳳傳

宋

司馬光字君實陝州夏縣人與雞澤令聶之美相善嘗
 至邑中論文嘯咏有和雞澤官舍諸詩温公集
 程顥字伯淳弟頤字正叔河南洛陽人熙甯中父珦刺

磁州顥頤隨任磁治讀書講學文教浸昌為世大儒磁
 人追祠文廟東偏至今相傳為三程夫子祠張氏文徵
 元

王恂字敬甫中山唐縣人性穎悟生三歲家人示以書
 帙輒識風丁二字母劉氏授以千字文再過目即成誦
 六歲就學十三學九數輒造其極太保劉秉忠見而奇
 之及南還從秉忠學於磁之紫金山後秉忠薦之世禮
 命為太子伴讀元史本傳
 明

曾應速號元陽襄陽光化人狂蕩不羈揮麈談元娓娓

不倦尤善鼓琴北遊齊魯燕趙間久之僑寓列人年已七十五矣畫梅竹以市酒有餘則施藥濟人知交有過必諫臨終以琴書授弟子藜杖自殉眾為買田瘞之

別記參舊志

陳海峯金陵人年八十善作擘窠草書佩緇布囊盛巨筆二披布裘重三十斤好飲醉後縱筆淋漓如有神助偶過鄴下遂託止於肥鄉張太保家餌松吸露一日大醉挂巾履於松巔科頭跣足而走去數年或見於潞州後不知所終

潞庚別記

國朝

孫奇逢字啟泰號鍾元保定容城人萬厯庚子舉鄉薦倡明道學屢徵不起遁迹蘇門海內稱為夏峯先生嘗往來於永年成安曲周肥鄉雞澤諸縣所至講學從游者甚眾著述與劉靜修楊椒山同刊名三賢集行於世

舊志

李童字蔭繩保定新安人倜儻有俊才受業於定興鹿忠節公善繼順治初徙居成安執經問業者無虛日童皆為闡發開導門弟子隨錄問答之言曰讀書歸要歿葬成安之北原

舊志參成安志

汪師韓字韓門號上湖居士錢塘人早年登第入館閣

起蹶頻仍一意窮經不務詞章之學本集桂元復舊序削籍後

客游直隸總督方觀承延主講席欲因覆奏薦之師韓

以衰病固辭本集孫灝贈序乾隆戊寅至廣平主講清暉書院

為置諸生膏火撰清暉小志三卷於乙酉移保定蓮池

書院至甲午南歸上湖分類文編兼紀歲詩編

沈廷寵字益友浙江錢塘舉人乾隆五十三年主講清

暉書院學問淵博品題精當為多士悅服一時來院肄

業者五十餘人性素廉潔贄儀節禮一毫不取士為所

造就者後皆成名以去王鍾信年譜

王鼎字定九陝西蒲城人乾隆末年寓居磁州司理鹽

務嘉慶丙辰入都成進士官至大學士道光二十三年

暎夷犯順朝臣議和鼎泣諫以為不可弗聽作遺摺交

其子沆代奏之自縊而死後其子祕不以聞武汝清家居憶舊錄

王奉曾字荔園宛平進士嘉慶初年主講清暉書院學

問淵博訓課有方一時英俊皆從之遊文風蒸蒸日上

起色癸酉秋試獲雋者七人元魁備焉著有青箱堂文稿

行世潛蓮池記參採訪冊

王覲宸字晉齋乾隆庚子進士本順天通州人解組後

寓磁州遂家焉歷官安徽霍邱穎上知縣在任三十年

興學校減徭役循聲卓著穎俗最悍回民械鬥動傷多

人覲宸諭以禍福遂皆安堵嘉慶十三年告病歸穎有積欠在民漕米萬石曩已墊納或勸作交代抵銷答曰予不願後任苦吾民取欠簿立焚之主講淦陽書院受教者率有名於時

磁州續志

鄭城字念橋錢塘進士嘉慶十四年知肥鄉縣有政聲後罷官主講清暉書院汲引後進提倡宗風諸生來請業者恆數百人郡城各巷有弦誦聲自是登賢書捷南宮者相繼而甲第纍纍矣著有集鳳樓閒居憶舊錄各集行世

濬蓮池記參肥鄉志

麻青字純甫順德沙河人登賢書僑寓邯鄲未嘗有惰

容戲語取予必以義於書無所不讀尤邃於易授徒告以知禮成性變化氣質不屑循腐儒陋習善吟咏工書畫著述甚富遇知音者談娓娓無倦否則終日默坐

邯鄲志稿

丁守存號心齋山東日照縣進士候選道同治初捻匪竄擾畿南奉

旨令勸辦順廣大三府團練寓居廣平郡城與紳士武汝清前

河南巡撫鄭元善商訂章程暇則飲酒賦詩與郡人士講論文藝批評課卷娓娓不倦著有曠視山房制藝行

世採訪冊

鄭元善字體仁號松峯順德廣宗人道光辛丑進士分發河南由知縣薦升巡撫所至有政聲歸里僑居永年時值捻匪竄擾同治四年奉

旨令督辦畿南團練力疾赴各縣剴切曉諭訓練整齊民心恃以無恐事平奉

旨賞加三品卿銜居恆敦篤儉樸不改儒士本色喜讀書尤愛左氏春秋著有依拙軒詩集宦豫紀略各盡堂傳家銘等書行世弟元獻恩貢生歷官河南沈邱山西趙城知縣晚年告歸亦僑寓郡城

採訪冊

